

八
明史

外國傳 卷三十四
西域傳 卷三十五

浙江圖書館叢書第一集

明史各外國傳

地理攷證



明史外國傳地理攷證

仁和丁謙益甫氏學

朝鮮箕子所封國也。漢以前曰朝鮮。始爲燕人衛滿所據。漢武帝平之。置真番、臨屯、樂浪、元菟四郡。漢末有扶餘人高氏據其地。改國號曰高句麗。居平壤。卽樂浪也。已而爲唐所破。東徙。後唐時王建代高氏。兼併新羅、百濟地。徙居松岳。曰東京。而以平壤爲西京。其國北當作西鄰契丹。西當作北接女真。南當作東曰日本。元至元七年。西京內屬。置東寧總管府。明興。王高麗者王顥太祖卽位二年。來貢請封。詔封高麗國王。自是遣使朝貢。歲以爲常。洪武七年。顥爲權相李仁人所弑。立其養子禍。二十一年。禍欲寇遼東。使都軍將崔瑩、李成桂繕兵西京。以糧不能繼。退師。

中華民國四年浙
江圖書館校刊

至兵潰二十六年劉綎麻貴復進攻不利董一元克晉州泗州進趨新寨將克而救至亦退還迨平秀吉死其禍始息倭亂朝鮮凡七載未幾大清兵起四十七年朝鮮助明師四路夾攻敗績天啟七年清兵征朝鮮王倬輸款崇禎十年大清以朝鮮貳於明又往征朝鮮遂與明絕不數載而明亡矣

眞番今奉天興京廳地臨屯今朝鮮江原道地樂浪今平安道地元菟今咸鏡道地新羅本辰韓國在今慶尙道地百濟本馬韓國今全羅道地松岳山名在京畿道開成府北原州在國都漢城西稍南釜山在慶尙道東萊縣南隔海卽日本對馬島臨津江在國都北平壤箕子舊都屬平安道義州北傍鴨綠江亦屬平安道朝鮮八道者京畿江原黃海全羅慶

王怒殺成桂子成桂還兵攻破王城囚王及瑩二十四年成桂
遂自立廢王瑤居原州王氏自五代有國數百年至是絕成桂
屢使求貢不許二十五年始受其使命仍號朝鮮至萬歷二十
年日本關白平秀吉使渠帥行長清正等率舟師逼釜山潛渡
臨津時朝鮮兵不習戰望風皆潰王昞棄王城奔平壤復走義
州八道幾盡沒朝命李如松爲提督援之明年正月大捷於平
壤行長渡大同江遁至龍山清正亦退還王京如松恃勝輕進
至碧蹄館敗退駐開城四月倭棄王京遁時漢江以南朝鮮故
土皆復自後封貢議起相持不決者久之二十四年七月倭由
釜山奪梁山入慶州八月圍南原犯全慶十一月都御史楊鎬
督麻貴等自忠州鳥嶺赴慶州攻尉山克之進圍島山會倭援

竊柄廢其主煒尋弑之永樂元年又連弑其主盡殺陳氏宗族而自立更姓名曰胡一元旋遜位於其子胡玢會前王曰烜孫陳天平來奔三年遣使責之玢謝罪請迎天平歸奉爲主至則伏兵邀殺七月命朱能沐晟張輔等發兵討之能至龍州卒命輔代之十二月至洮江克多邦壘遂循富良江入東都進薄西都賊遁入海尋破之富良江口追獲之安南平詔改交趾布政司設官治之師還而簡定又叛命沐晟再討之大敗於生厥江復命張輔往征時賊立陳季擴爲王輔乃造戰艦水陸並進連破慈廉廣威諸營柵賊扼南策州水師又克之遂定交州北江諒江建昌諸府抵清華水陸畢會遂擒簡定班師而季擴仍未服九年復命輔水陸進征疊破之次年追季擴入老撾地獲之

尙忠清咸鏡平安也。碧蹄館在漢城西三十里。開成府在漢城西北。漢江一名熊津江。在漢城南。漢城卽以此得名。梁山郡在釜山北稍東。慶州府在梁山西北。南原屬全羅道。全慶當作全州。爲全羅道首城。忠州爲忠清道首城。鳥嶺在忠州東南。度此嶺卽慶尙道界。尉山郡在慶州東南。島山城在尉山東。晉州在慶尙道東南。泗州在晉州南稍西。近海處。新寨在泗州東南海濱。

安南古交趾地。唐以前皆隸中國。五代時始爲土人曲承美所據。宋初封丁部領爲王。二傳爲大臣黎桓所篡。黎氏亦三傳爲李公蘊所篡。李氏八傳無子。傳其壻陳日炬。元時屢破其國。洪武三年。其主日燿來朝貢。封爲安南國王。二十一年。相黎季犛

華省城生厥江在河內西南慈廉縣在河內府北廣威府在慈廉西稍北南策州今爲南策府在河內東北交州卽東都北江今北寧府地在清華東諒江府屬諒山省建昌府在南定省北老撾國在清華省大山之西

日本古倭奴國唐咸亨初改日本地環海有五畿七道二百十五州五百八十七郡小國數十皆服屬焉國主世以王爲姓羣臣亦世官宋以前皆通中國惟元世祖遣使招之不至乃命忻都范文虎等率舟師十萬征之遭風盡沒終元世不相通明興諸亡命往往附島人入寇洪武二年遣使詔諭不奉命三年又遣諭其王良懷始來貢并還被掠人七十餘後頻入貢而侵掠如故遂絕之專務海防自是海警頗息永樂七年其上王源道

賊盡平十四年以中官馬騏假採辦名大索貨賄亂者四起有
黎利者僭稱平定王明年諸賊悉破惟利不能得後勢漸熾官
軍往討多敗沒時洪熙改元帝意欲棄交趾會利乞封遂許之
然繼位者多不德諸臣樹黨互爭嗣政權均爲莫登庸所竊嘉
靖元年登庸自稱安興王六年遂篡王位時朝廷議討罪不果
因封登庸爲安南都統傳數世至萬歷初莫氏漸衰黎氏自失
國後退居清華有阮淦者輔之傳五世至維潭漸強盡復安南
地會莫與黎均遣使入朝朝議以高平郡棲莫氏乃罷兵聽命
然後仍相攻迄明之世二姓分據不能歸一云

龍州屬廣西南與越南交界洮江在越南臨洮府西多邦城
在洮江南富良江在河內府東東都卽今河內府西都卽清

軍職讓於其子義持故自稱上王其後足利之權又移於下
守土諸將裂地自擅成爲數十國互戰不息嘉靖入寇蓋薩
摩島族爲汪直等誘結而來非奉朝命卽幕府亦不能制之
也

琉球國居東南大海中自古不通中國元世祖遣官招諭不能
達洪武初其國有三王曰中山曰山南曰山北皆以尙爲姓而
中山爲強五年正月命行人楊載以卽位建元詔告中山王卽
隨使貢方物十四年山南王亦遣使朝貢時二王與山北王互
相征伐敕令罷兵息民三王並奉命山北王卽遣使偕二王朝
貢永樂三年山南中山俱遣子弟入國學自此朝貢請封甚謹
惟山北最弱朝貢亦稀後竟爲二王所併山南自宣德四年兩

義表貢賜以冠服嘉靖間奸民汪直徐海等誘結倭人剽劫江南浙江諸城邑蹂躪數千里總督胡宗憲誘離其黨擊滅之未幾南入閩廣圍福州陷興化踞平海衛遠近震動亟徵俞大猷戚繼光劉顯諸將破平之至萬歷二十年平秀吉侵陷朝鮮事詳朝鮮傳中

中國與日本使命往來雖久然其國情仍不能知諸史所載多非事實攷日本史自北宋之末太阿倒持一切政權均歸幕府稱爲征夷將軍平氏旣蹶源氏繼興未幾源氏家臣北條氏復竊其柄馴至足利肇亂王室蒙塵南朝北朝分國爲二明初正南朝將亡之時所謂日本王良懷者卽南朝征南將軍良懷親王也所謂源道義者卽足利義滿也時義滿以征夷將

其稅如國法。其人旣得地，卽營室築城，設火器繕守具。已而乘其無備，殺王而據其國。先是閩人以其地近且饒，商販至者至數萬人，往往久居不返。佛郎機旣奪其國，慮華人爲變，多逐之歸。留者悉被侵奪。二十一年，其酋侵美洛居，役華人二百五十助戰，待之酷虐。哨官潘和五約華人夜殺其酋及諸蠻人，收其金寶甲仗而歸。失路之安南爲其國人所掠，惟郭惟太等三十人附他舟獲返。其酋子遣僧陳父寃，朝命廣督置郭於理，而華人寄居者俱遣歸。然華商嗜利趨死，不顧久之復成聚。時礦稅使者四出，奸宄蠭起，言利有言。呂宋地產金銀，帝信之，遣人往勘。無驗，而彼疑中朝將襲取其國，坑華旅二萬五千人。雖移檄數其擅殺，竟不能討也。後華人復稍稍往，彼利互市亦不拒。

貢後不復至。蓋亦爲中山所併。萬歷四十年。日本以兵入其國。擄其王大掠而去。已而其王釋歸。復脩貢如故。

流求之名始見宋史。元史作瑠求。東洋島國也。其國大小三十六島。自日本迤而西南。錯落斜列如線。諸島較大者曰首里國。都在焉。南北約四百餘里。東西約百里。餘皆滄海一粟而已。近年爲日本所滅。僅改置沖繩一縣。狹小可知。惟民情醕樸。喜文字。敬中華。極有可取。惜太小弱。致不能自立。見併強鄰。可慨也夫。

呂宋居南海中。洪武五年來貢。萬歷初。佛郎機強與互市。見其國弱可取。乃奉厚賄。乞地如牛皮大。建屋以居。王許之。其人乃裂牛皮聯屬至數千丈。乞如約。王大駭。然業許諾。遂聽之。微徵

三年附瓜哇來貢其國又名貓里務近呂宋商船往來漸成富
壤市法最平有網巾礁老者最兇悍行劫海上遇之無免者貓
里務後遭寇掠亦貧困商人慮被劫鮮有赴者

合貓里卽撒馬耳島在呂宋東南亦斐列賓羣島之一瀛寰
志略作貓里煙網巾礁老乃南洋野番種人之名居民答那
義等島瀛寰志謂民答那義卽網巾礁老非是

美洛居俗訛爲米六合居東海中頗稱富饒地有香山雨後香
墮沿流滿地拾取不竭東洋不產丁香惟此島有之故華人多
往市易萬歷時降於佛郎機已而爲紅毛番所襲據佛郎機來
爭歲構兵有華人游說以國中高山爲界北屬紅毛南屬佛始
稍休息美洛居竟爲兩國所分

久之又成聚時佛郎機已并滿刺加勢愈強橫行海外遂據廣東香山澳築城以居與民互市而患復中於粵矣

呂宋在臺灣南西人地理書合呂宋民答那峩民多羅巴拉完巴奈撒馬耳及小島千餘總稱爲斐列賓羣島而以呂宋爲最大馬尼刺城其都會也此島自萬歷年間爲日斯巴尼

亞國

一作西班牙

所據至近年復見奪於美洲合眾國明人當時

不知有西班牙而妄指爲佛郎機誤也美洛居滿刺加下均有傳然據滿刺加者爲荷蘭國據廣東香山縣之澳門者爲葡萄牙均與佛郎機無涉而牽混如此中國人疏於外情由來久矣

合貓里海中小國土瘠多山山外大海饒魚蟲人知稼穡永樂

港萬歷末紅毛番泊舟於此。事耕鑿設閭閻。稱臺灣焉。其地北自雞籠。南至浪嶠。可一千餘里。東自多羅滿。西至王城。可九百餘里。

雞籠山在臺灣極北處。濱海有城。分省時改設雞籠廳。浪嶠山在臺灣極南處。後改設恒春縣。多羅滿未詳。王城爲荷蘭人所築。後改設安平縣。

婆羅又名文萊。在東洋盡處。西洋所自起也。唐爲婆羅國。其地負山面海。崇釋教。惡殺喜施。萬歷時爲王者閩人也。或言鄭和使婆羅。有閩人從之。因留其地。後人竟據其國而王之。迨佛郎機舟至。國人走入山谷。放藥水毒殺敵人。王得返國。佛郎機遂犯呂宋。

美洛居卽摩鹿加島在民答那嶺南近人著中國殖民八偉人傳謂美洛居卽滿刺加誤甚美洛居傳明言居東海中而滿刺加則別自爲傳云在占城南且呂宋傳中美洛居與滿刺加並列其不得混合爲一明矣至西班牙誤作佛郎機與呂宋傳同

沙瑤與吶哩嘑連壤吶哩嘑在海畔沙瑤稍紆入山隈皆與呂宋近

沙瑤吶哩嘑當爲斐列賓羣島中兩蠻族之名今已難攷雞籠山在澎湖東北故曰北港又名東番去泉州甚邇地多深山大澤聚落星散無君長嘉靖末倭擾閩爲戚繼光所破遁居於此其黨林道乾從之已道乾至淳泥攘其邊地居之號道乾

麻葉甕在婆羅洲西北角海中。小島也。日本人著東洋歷史地圖作麻逸凍。卽官本地圖馬龍敦島。元史作馬蘭丹。

古麻刺朗。東南海中。小國也。馮嘉施蘭亦東洋中小國。

此二島國今俱無攷。

文郎馬神以木爲城。其半倚山。

文郎卽婆羅傳之文萊。馬神在其西南。混合爲一大誤。

占城居南海中。卽周越裳地。秦爲林邑。漢爲象林縣。後漢末區連據其地。始稱林邑王。晉至隋仍之。唐時稱占不勞。或稱占婆。王所居曰占城。後改號曰環國。迄周宋遂以占城爲名。朝貢不替。元兵擊破之。亦不能定。洪武初遣使詔諭。卽來朝貢。成化七年。其國爲安南所破。王被執。遂據其地。中朝遣使諭之。始還其

婆羅洲卽淳泥轉作般鳥一作蟠尼一作波尼阿又作保尼
俄在廣州海正南於諸島中爲較大文萊僅全洲東北一部
之名尙有馬神萬喇吉里地問等部同居洲中今全洲北半
屬英南半屬荷蘭其國始見隋書作婆利僅言唐爲婆羅國
失攷佛郎機爲荷蘭之誤按瀛寰志略言荷蘭船初到婆羅
洲入馬神內港欲據其地番畏礮火避入深山以毒草漬水
上流荷蘭受毒狼狽而去後卒於海濱立埠頭四云云與此
傳異此傳以爲文萊事且以爲佛郎機皆傳聞之誤不如志
略之可據也

麻葉甕在西南海中自古城放舟十日至交欄山其西南卽麻
葉甕山峻地平田膏腴收穫倍他國

省東南有倍達龍海角。倍達龍卽賓童龍轉音。當時此國轄境必與倍達龍海角相鄰接。無可疑者。明費信星槎勝覽言賓童龍國與占城山

地連 崑崙東西竺在湄公河口外海中。官本圖作康達耳羣島。蓋譯音之異。

眞臘在占城南。隋唐宋皆朝貢。宋時滅占城而并其地。改國號曰占臘。至元仍稱眞臘。洪武二年遣使詔諭。四年來貢。其國自稱甘亭智。後訛爲甘破蔗。萬歷後又改爲東埔寨。

眞臘在占城西南。今仍曰東埔寨。一名柴棍。其都城在湄公河西濱。曰攀龍頻。俗稱南旺。近歸法國保護。

暹羅在占城西南。卽隋唐赤土國。後分爲羅斛暹二國。暹土瘠不宜稼。羅斛地平衍。種多穫。暹仰給焉。元時暹常入貢。其後羅

邦都郎至占臘五處其國凡四府一州二十二縣國不甚富惟犀象最多烏木降香樵以爲薪棋枰香獨產一山酋長遣人守之民不得采

占城爲越南南境地由中國往雖海道可通然並不在海中云居南海中謬也其所轄境卽今順化廣平廣治廣南廣義平定等省地邦都郎至占臘卽今平定富安平和三省地今均爲法蘭西所據

賓童龍國與占城接壤氣候風土大類占城有昆崙山節然大海中其海卽曰昆崙洋與占城東西竺鼎峙相望

賓童龍宋史作賓陀羅隸占城陸行一月程又注輦國傳有賓頭狼山亦卽指此元史作賓多龍攷官本地圖越南平和

表書一千三百七十六年蓋漢宣帝元康元年乃其建國之始也。地廣人稠。性兇悍。男子皆佩刀。稍忤輒相賊。故甲兵爲諸番之最。字類瑣里。無紙筆。刻於菱葦葉。氣候常似夏。稻歲二稔。其國一名莆家龍。又曰下港。曰順塔。萬歷時紅毛番築土庫於大澗東。佛郎機築於大澗西。歲歲互市。中國商旅亦往來不絕。國有新村。最富饒。商舶輻輳。村主卽廣東人。永樂九年。自貢方物。瓜哇。本種人名。或作繞阿。或作爪亞。或作爪雅。又作耀亞。元史作撚哇。遂轉作瓜哇。今稱噶羅巴。又稱噶留巴。交留巴。葛刺巴。乃南洋一島。東西長。南北狹。在婆羅洲南稍西。云近古城。未確。宣德七年。貢表所書。旣非耶穌紀元。亦非謨哈默紀元。謂爲建國之始。亦是一說。但南洋島蠻能追溯建國年代。

斛併有暹地遂稱暹羅國洪武以後朝貢不絕隆慶中隣國東蠻牛求婚不得怒發兵攻破其國王自殺擄其世子次子嗣位勵志復仇萬歷間敵又至大破之暹羅由是雄海上移兵破真臘降其王遂霸諸國其國周千里風俗勁悍習於水戰王瑣里人官分十等王及庶民事皆決於其婦婦人志量實出男子上氣候不正或寒或熱地卑濕人皆樓居

暹羅在越南國西緬甸國東國之北界多山皆暹舊境南界近海多平壤則羅斛舊境也都城名曼谷在湄南河將入海處東蠻牛國地無攷或卽老撾種類

瓜哇在占城西南元世祖時舉兵破其國洪武以來常朝貢永樂間鄭和兩使其地其國近占城二十晝夜可至宣德七年貢

貞觀二十一年遣使入貢。天寶中自闍婆遷於婆露伽斯城。宋亦入貢。元時始稱瓜哇。三佛齊爲其屬國。觀此闍婆之卽瓜哇沿革甚明。又三佛齊淳泥皆其所屬國。勢頗強可知。乃利病書又謂萬丹古稱闍婆。攷萬丹乃瓜哇北小島。圖作挨亞北情形似不相合。蓋瓜哇酋長曾居萬丹。因以闍婆自稱。非闍婆國境。僅有萬丹一島也。至明初闍婆瓜哇二國並貢。或其時瓜哇東半島別有瓜哇酋長據立。故分一地爲兩國耳。

三佛齊古名干陀利。劉宋時奉貢。梁武帝時數至。宋名三佛齊修貢不絕。洪武三年遣使詔諭。卽隨入貢。十年來請封。從之。時瓜哇強威服三佛齊而役屬之。洪武末瓜哇破三佛齊而據其

且立有紀年法制。恐無此文化。攷四裔年表。明萬歷二十五年。荷蘭與噶羅巴通商。泰昌元年。建達非也。城于噶羅巴。卽傳中築土庫於大澗東事。達非也。城官本圖作巴塔菲亞。蓋全島之都會云。

闍婆。古曰闍婆達。宋元嘉時始朝中國。唐曰訶陵。又曰社婆。其王居闍婆城。宋曰闍婆皆入貢。洪武十一年。表貢方物。後不復至。或曰瓜哇卽闍婆。然元史瓜哇傳言其風俗物產無攷。太祖時兩國皆入貢。而王名不同。或本二國。後爲瓜哇所滅。然不可攷。

按顧氏郡國利病書。瓜哇古訶陵國也。一曰闍婆。又名莆家龍。在真臘南海中洲上。劉宋元嘉元年始通中國。後中絕。唐

賈鮮至

三佛齊爲蘇門答剌島東南界之一部與噶羅巴對峙僅隔一海峽其舊都之地今稱德羅克貝當其民水居云云蓋言濱海處耳非全國如是也

淳泥宋太宗時始通中國洪武三年遣使諭之乃貢方物國統十四州在舊港西初屬瓜哇後屬暹羅改名大泥華人多流寓其地萬歷時紅毛番強商其地築土庫以居

淳泥卽上婆羅云宋始通中國而不知唐已入貢且不知隋書婆利亦卽其國蓋譯音無定字故也明時全洲諸部北以文萊爲大南以馬神爲大文萊入貢旣旨全洲之名此所謂淳泥必卽馬神而脩史者於婆羅淳泥之外更列文郎馬神

國改名舊港。三佛齊遂亡。國中大亂。瓜哇亦不能盡有其地。華人流寓者往往起而據之。有梁道明者。廣州人。眾推爲首。雄視一方。永樂三年。來貢方物。四年。與舊港頭目陳祖義均遣子入朝。祖義亦廣東人。雖朝貢而爲盜海上。五年。鄭和自西洋還。遣人招諭之。祖義詐降。潛謀邀劫。有施進卿者。告和。祖義來襲。遂被擒。獻於朝。伏誅。命進卿爲舊港宣慰使。自是屢貢。然進卿雖受命。猶服屬瓜哇。境地狹小。非故時三佛齊比也。國在瓜哇西。爲諸番要會。轄十五洲。土宜稼。俗富好淫。習於水戰。隣國畏之。地多水。惟部領陸居。庶民皆水居。編筏築室。繫之於椿。無沈溺患。欲徙則拔椿去之。下稱上曰詹卑。猶國君也。後大酋所居。卽號詹卑國。改故都曰舊港。初本富饒。自瓜哇破之。漸形蕭索。商

爲荷蘭所奪此作佛郎機誤麻六甲卽滿刺加轉音並非改名

蘇門荖刺在滿刺加西或言卽漢條枝唐波斯大食二國地西洋要會也永樂間數使朝貢鄭和三至其國值其國亂黨酋邀擊和大破之追至南淳利俘以歸地本瘠無麥有禾一歲二稔商賈輻輳氣候朝如夏暮如秋夏有瘴氣後易國名曰啞齊

須文達那洪武十六年來朝或言卽蘇門荖刺洪武時所更蘇門荖刺元史作蘇木都刺又作須門那在滿刺加西南僅隔海峽啞齊卽亞齊或作亞珍乃蘇門荖刺島西北境之一部非改名也須文達那爲蘇門荖刺轉音明費信星槎勝覽

複而又複殊堪失笑況國地在舊港東茲乃云西尤反背至
言改名大尼更謬大尼卽大年一作大咩在暹羅西南馬來
半島中南與吉蘭丹丁噶奴爲鄰與浮泥無涉

滿刺加在占城南順風八日至龍牙門又西行二日卽至或云
卽古頓遜唐爲哥羅富沙永樂後常朝貢後爲佛郎機所滅改
名麻六甲氣候朝熱暮寒俗醇厚市道頗平自爲佛郎機所破
商舶稀至

滿刺加在馬來半島西南東界丁噶奴彭亨東南界柔佛西
南與蘇門答刺隔海對峙云在占城南以當時航南洋者多
由占城起行故也龍牙門卽龍牙島圖作龍加在新嘉坡南
明正德時初侵滿刺加者爲葡萄牙國至萬歷二十七年乃

瑣里近西洋瑣里而差小洪武五年來貢

二國未載地至殊難攷核意卽蘇門答刺中間錫里部地

覽邦在西南海中洪武後數來貢

覽邦島名在新嘉坡東海中圖作但貝蘭羣島

百花居西南海中洪武十一年來貢

此部無攷

彭亨在暹羅之西洪永間俱來貢其國土田沃氣候常溫米粟饒足後爲柔佛所破

彭亨一作彭坑亦馬來半島之一部在丁噶奴南柔佛下有傳

那孤兒在蘇門答刺西境相接地狹止千餘家男子皆墨刺面

言蘇門答刺古名須文達那可證分列兩傳謬甚至條枝波斯大食乃西域古國漢唐諸史可徵今妄加於南洋島部尤爲荒謬顧氏郡國利病書直指蘇門答刺爲古大食實沿誤於此

蘇祿地近淳泥闍婆有東西二王永樂間數來朝後不復至萬歷時佛郎機攻之以城據山險終不能下其國古無所攷地瘠寡粟麥民食魚鰕煮海爲鹽釀蔗爲酒織竹爲布氣候常熱有珠池夜望之光浮水面土人以珠與華人市易

蘇祿羣島在民荅那義西婆羅洲東其島大者三中曰蘇祿東曰巴息蘭西曰達維小者數十此佛郎機亦西班牙之誤西洋瑣里洪永間來貢

南淳利卽宋史南毗。元史作南無力。瀛涯勝覽作喃勃里。其
下南巫里傳乃同地。複出攷謝清高海錄。尼科巴羣島中間
爲開馬大島。有市肆曰南庫里。卽此。官本圖尼古巴拉羣島
在中者曰喀摩爾塔。卽開馬大也。帽山在其西北。當卽利特
阿達夏島。

阿魯一名亞魯。近滿刺加。順風三日可達。風俗氣候大類蘇門
答刺。田瘠少水。藝芭蕉椰子爲食。永樂時入貢。鄭和再至其國。
阿魯島名。在滿刺加西北海峽中。官圖作亞羅亞羣島。

柔佛近彭亨一名丁礁林。

柔佛在馬來半島東南盡處。其南一島卽新嘉坡。正北爲彭
亨。西北爲滿刺加。均相鄰接。丁礁林卽前綱巾礁老。乃其種

爲花獸之狀。故又名花面國。永樂中鄭和至其國。後常來貢。

那孤兒卽瀛寰志之茫古魯。在蘇門荅刺三佛齊西北海濱。官圖作班庫爾。

黎代在那孤兒西南大山。北大海。西接南渤利。居民三千家。推一人爲主。永樂間來貢。

黎代鄭和別傳作黎伐。東洋歷史圖同。此作黎代。未知孰是。在蘇門荅刺西北海濱。官本地圖作納大島。列於巴唐之北。南淳利。在蘇門荅刺西。順風三日可至。僅千餘家。俗樸實。地少穀。人多食魚鰕。西北海中有山甚高大。名帽山。其西復大海。名那沒黎洋。西來洋船均望此爲準。近山淺水內生珊瑚。高者三尺許。永樂十年來貢。

巴喇西音合國地在亞洲西境當入西域傳不當與南洋諸島國並列況此國自漢以來早與吾華交通明人不解譯音又以其海道來遂茫然不辨爲何地西瀾卽印度南錫蘭島得吉零卽緬甸東南海濱地那悉林部祕得未詳

佛郎機近滿刺加正德中據滿刺加地逐其王使人貢方物請封始知其名詔卻之其將別都盧等旣以巨礮利兵肆掠滿刺加諸國復駕五舟擊破巴西國嘉靖二年遂寇新會西草灣官軍拒破之擒別都盧等獲二舟得其礮卽名爲佛郎機火礮之有佛郎機自此始然將士不善用卒莫能制寇也初廣東嚴海禁公私皆窘因議開禁佛郎機得入香山澳爲市其徒又越境商於福建二十六年巡撫朱統又嚴禁通番其人無利則整眾

人名

丁機宜瓜哇屬國也幅員甚狹僅千餘家柔佛黠而雄丁機宜接壤時被其患後以厚幣求婚稍獲寧處其國以木爲城華人往商交易甚平後爲柔佛所破往者乃鮮

丁機宜元史作僧急里在瓜哇北西近蘇門荅刺一名岡甲嶼

巴喇西去中國絕遠正德六年遣使入貢言其國在南海舟行四年半遭風飄至西瀾舟壞止存小艇飄流八日至得吉零國居一年至祕得居八月乃遵陸二十六日抵暹羅居四年始附船入廣東表進諸珍物

巴喇西卽波斯唐書作波刺斯西人輿地書作白爾西均與

指示數雖累千金不立契約有事指天爲誓不相負自滅滿刺
加巴西呂宋三國海外諸番無敢與抗者

觀此傳可爲中國人暗於外情之代表佛郎機卽法蘭西夙
號歐洲強國自明中葉至本朝脩史時并無人知其國之所
在但以臆度之詞云近滿刺加豈不可笑且攷西史明正德

間法蘭西國並無侵犯南洋之事其破滿刺加入呂宋開巴

西據壕鏡均葡萄牙人所爲

攷瀛寰志畧明宏治十三年葡人探得巴西地徙國人開闢之

又四裔年表葡人於正德六年尋得滿刺加十二年立商埠於廣東澳門嘉靖二年尋得非利賓島卽小呂宋也皆其確證

至荷蘭奪據滿刺加侵占噶羅巴及婆羅洲西班牙奪據

小呂宋皆其後事此傳並指佛郎機意葡人自知小弱故假
託佛郎機名以欺中國而中國竟無知之者不獨不知有葡

犯漳州之月港。浯嶼禦卻之。二十八年又犯詔安。官軍迎擊於走馬溪。擒九十六人。斬之。會有劾統等擅殺者。統被逮自殺。自統死。海禁復弛。佛郎機遂縱橫海上。無所忌。而其市香山澳。壕鏡者。至築室建城。儼若一國。萬歷中破滅呂宋。盡擅閩粵海上之利。勢益熾。時有議逐之。浪白外海者。不果行。惟設參將於雍陌營。調千人戍之。天啟元年。遣官毀其青州城。番亦不敢拒。時大西洋人來。亦居此澳。蓋番人本求市易。初無不軌謀。中朝疑之過甚。迄不許其朝貢。又無力以制之。故議者紛然。然終明之世。此番固未嘗爲變也。其人長身高鼻。貓睛鷹嘴。拳髮赤鬚。好經商。恃強陵轍諸國。無所不往。後又稱干系臘國。衣服華潔。貴者冠賤者笠。見尊長輒去之。初奉佛教。後奉天主教。市易但伸

萬歷中福建商往大尾呂宋咬留巴和蘭就與轉販未窺中國也。自佛郎機市香山據呂宋和蘭聞之於二十九年駕大舶巨礮直薄呂宋呂宋人力拒之轉薄香山澳欲通貢市未果。三十年據澎湖久之始去時佛郎機橫海上紅毛番與爭雄復攻美洛居分其地後又侵奪臺灣築室耕田久留不去又出據澎湖築城設守爲求市計守臣懼說以毀城遠去卽許互市天啟三年果毀城去已而互市不成番人怒復守澎湖尋犯廈門出沒浯嶼等處濱海戒嚴四年調兵拒退之澎湖之警始息而其據臺灣者自若也崇禎中爲鄭芝龍所破不敢窺內地者數年其本國在西洋者去中國絕遠華人未嘗至其所恃惟巨舟大礮所役使名烏鬼國土旣富遇中國貨物當意者不惜厚資故

萄牙并不知有荷蘭西班牙。概以佛郎機混稱之。眞咄咄怪事。傳後所論頗爲平允。巴西在南美洲。新會縣在廣州西南。香山澳卽壕鏡。亦稱澳門。在香山縣東南。漳州府在福州南。月港未詳。浯嶼在廈門廳南。詔安縣在漳州西南。南澳鎮北。雍陌營卽前山寨。在澳門北。青州城卽澳門堡寨。當時毀之。而不敢拒者。攷葡萄牙自萬歷八年爲西班牙所併。本國不能自立。故懼觸中朝之怒。恐退無所歸也。干系臘卽後千里達。或作干絲臘。爲西班牙別名。云又稱干系臘亦屬牽混。且歐洲人無倭佛者。云初奉佛教尤誤。

和蘭又名紅毛番。地近佛郎機。永樂時鄭和七下西洋。歷諸番數十國。無所謂和蘭者。其人深目長鼻。髮眉鬚皆赤。頤偉倍常。

一千三百七十一年起叛特里王而成自主之國歷二百年始爲亞格伯王所征服古耶拉大瀛寰志作古塞拉德或作哥里卡德古里卽古耶古塞哥里之轉音西歷一千三百七
十一年爲太祖洪武四年此傳所載正古里立國後之事核
其四至蓋盡有喀第五印度史作加底亞華咳齒印度史作古杞辛得印度史作沁得
瀛寰志作信地等省地故曰大國狼奴兒卽瀛寰志拉虎爾一作那
哈爾又作蘭哈爾音俱相合乃本若省之會城坎巴在孟買
正北印度史作鉛倍南懷仁地圖作坎巴耳官本圖作康木
巴云古里東七百里卻合鄭和西行往阿剌伯及阿非利加
境每由此易舟

柯枝或言卽古盤盤國宋梁隋唐皆入貢自小葛蘭西北行順

華人樂與爲市

和蘭歐洲小國。以地濱海。習於爲商。萬歷末。民之出海貿易者。幾與居國中者埒。以不憚險遠。故競趨南洋。與西葡諸國爭利。至鄭和所至。中國人稱爲西洋。實僅印度洋。去歐洲尙遠。故不知有荷蘭佛郎機等國。澎湖島在臺灣西海中。

古里西洋大國。南距柯枝國。北距狼奴兒國。東七百里。距坎巴國。自柯枝舟行三日可至。自錫蘭山十日可至。諸番要會也。永樂三年。遣使撫諭。迄於宣德。常朝貢。其國山多地瘠。有穀無麥。俗甚醜。行者讓道。道不拾遺。人分五等。如柯枝。敬浮屠。國中半崇回教。

古里在西印度孟買西北。攷印度史。西印度古耶拉大省。從

葛蘭一日至柯枝。柯枝三日至古里。若柯枝果爲可陳。則距古里太遠。恐非三日所可至。而其至錫蘭又不須七日矣。至印度全境。自古皆分民爲四類。一婆羅門最上。卽教士。二刹帝利次之。卽武士。王及百官俱出於中。三毗舍又次之。卽業工商者。四首陀爲下。卽耕種佃戶。又有巴利亞。均執賤役。爲最下等。此傳以王族爲首。又雜入回回。誤也。

小葛蘭國與柯枝接境。自錫蘭西北行六晝夜可達。東大山西大海。南北地窄。西洋小國也。永樂間入貢。又有大葛蘭者。波濤滿。俾舟不可泊。故商人罕至。土黑墳。本宜穀麥。民懶耕作。歲賴烏爹之米以食。

小葛蘭與柯枝接境。當在曼噶羅爾地。大山亦卽西柯枝山。

風一日夜可至。永樂以後常來貢。其國與錫蘭山對峙。中通古里東界大山。三面距海。俗頗醺。人分五等。一曰南昆王之族類。二曰回回。三曰哲地。皆商民。四曰革全。皆牙會。五曰木瓜。最貧。爲人執賤役。遇南昆哲地。輒伏地俟。其過乃起。氣候常熱。一歲中二三月有少雨。五六月大雨不止。街市成河。七月始晴。後不復雨。田瘠少收。產諸穀無麥。

柯枝一作阿枝。在古里南。蓋卽今孟買科坎傍海一帶地。東面所界大山曰西柯枝山。國卽以此得名。攷南印度東西各有極長之山。西柯枝山者。對於東柯枝山而言。柯枝或作高止。或作高癡。皆一音之轉。近人有謂柯枝卽可陳。譯音雖近。但細核各傳程途。殊不相合。攷錫蘭西北六日至小葛蘭。小

鸚哥嘴山又二三日抵佛堂山卽入錫蘭境海邊石上有一足跡長三尺許故老云佛從翠藍嶼來踐此王所居側有大山出雲漢嶺有巨人足跡深二尺長八尺餘云是盤古遺跡其地氣候常熱米粟豐足民皆富饒

錫蘭山卽佛國記之師子國梁書新唐書同元奘西域記作僧伽羅艾儒略南懷仁地圖均作則意蘭島土人稱高山曰錫蘭以島有高山故名翠藍嶼卽今安達曼羣島梭篤蠻乃安達曼之異譯鸚哥嘴山未詳當是東柯枝山之一峯佛堂山當在錫蘭東北蓋從翠藍嶼來必先至錫蘭東北境也島中間有堪的城當時王必居此今城南有亞當峯其巔尙有巨人足跡西書言人種之生始於亞當猶中國言盤古故傳

蓋自孟買以南直至柯摩林海角斜亘數千里不斷也大葛蘭必在小葛蘭南今卡力咳至可陳一帶烏爹未詳

錫蘭山或云卽古狼牙修梁時曾通中國自蘇門答刺順風十二日可達永樂中鄭和使西洋至其地其王欲加害和覺去之他國及歸復經其地乃誘和至國中發兵五萬塞其歸路和率步卒二千由間道攻拔其城擒其王及妻子獻俘於朝帝釋之命擇族之賢者立之誥封爲王舊王亦遣歸由是諸番益服貢使載道至天順後始不復至其國地廣人稠貨物多聚亞於瓜哇東南海中有山三四座總名翠藍嶼大小七門門可通舟中一山尤高大番名梭篤蠻山人皆巢居穴處赤身髡髮地不生穀惟食魚鰕及山芋波羅蜜芭蕉實之類自此山西行七日見

同名而異譯並非有所更改攷印度史自唐以後佛教漸衰

西歷一千年間

宋真宗咸平三年

回教大興於印度追一千二百三

年阿富汗哥爾朝王征服孟加拉此回教行於榜葛刺之始其後朝代雖易教法未更故王及官民均回回人

沼納樸兒在榜葛刺西或言卽中印度古所稱佛國也永樂十八年榜葛刺使者怨其國王數舉兵侵擾遣使齎敕諭以睦鄰保境而朝貢竟不至

沼納樸兒明費信星槎勝覽作詔納福兒謂釋迦得道之所一名金剛寶座國攷金剛寶座爲佛涅槃後百年摩揭提國阿輸迦王所建築在中印度巴達拏城大菩提寺至今猶存巴達拏卽佛國記巴連弗爲古摩揭提國都佛成道處在此

云然。乃於佛堂山海邊亦載有佛跡。恐屬附會。

榜葛刺卽漢身毒國。東漢曰天竺。其後中天竺貢於梁。南天竺貢於魏。唐書亦分五天竺。又名印度。宋仍名天竺。榜葛刺卽東印度也。自蘇門答刺順風二十日可至。永樂六年貢方物。其後貢使屢至。曾兩貢麒麟。正統四年後不復至。其國地大物阜。城池街市繁華。類中國。四時如夏。土沃一歲二稔。不待耔耘。俗醕麗有文字。容體皆黑。王及官民皆回回人。

榜葛刺卽孟加拉。一作孟加臘。綱加拉。又作明呀里。爲東印度之一省。五印度者全地之名也。但漢書無身毒傳。惟西南夷傳言身毒事。又皮山國傳言南與天竺接。天竺卽天竺。後漢書始有天竺傳。言一名身毒。要之天竺天竺身毒印度實

爾城卽所謂祖法兒也。惟由古里西往似不祇十日程。當從勝覽作二十日爲是。至阿刺伯地多沙磧。少山河。民皆游牧。不事種植。豈能五穀咸備。亦當以勝覽所載較爲近實。

木骨都束。自小葛蘭舟行。二十晝夜可至。永樂十四年後貢使三至。其國濱海。山連地曠。磽瘠少收。歲常旱。或數年不雨。俗頑嚚。時操兵習射。地不產木。壘石爲屋。用魚腊以飼牛羊馬駝。

木骨都束。艾儒略萬國圖作馬加大作。東洋歷史圖列於亞非利加東北海濱。攷官本圖意屬索馬拉部。境有馬加多朔城。與馬加大作皆木骨都束之轉音。

不喇哇。與木骨都束接壤。自錫蘭山別羅里南行。二十一晝夜可至。自永樂至宣德屢入貢。其國傍海而居。地廣斥鹵。少草木。

城南境惟摩揭提從無沼納樸兒稱號閱地圖南印度北曰
不爾部中有紹拉普兒城豈明初巴達拏地爲該部人所據
耶

祖法兒自古里西北放舟順風十日可至永樂十九年偕阿丹
刺撒諸國入貢命鄭和齎賜物報之二十一年及宣德八年再
來貢其國東南大海西北重山天時常若八九月五穀蔬果諸
畜咸備人體頎碩王及臣民悉奉回教產諸香及駝雞

祖法兒星槎勝覽作佐法兒云自古里順風二十日可至壘
石爲城砌羅股石爲屋有三四層若塔者田廣少收山地黃
赤不生草木民捕海魚爲食并飼牲畜此國東洋歷史圖列
於阿刺伯南海濱攷中外地圖阿刺伯哈達拉毛部有薩法

賁梁隋唐時並有丹丹國。或言卽其地。地膏腴。饒粟麥。人性強悍。有馬步銳卒七八千人。鄰邦畏之。王及國人悉奉回教。甚尊中國。聞鄭和船至。王卽來迎。徧諭其下。出珍寶互易。產金寶異獸。市肆有書籍。又製金飾絕勝。惟無草木。其居亦壘石爲之。

阿丹。艾儒略萬國圖。李明徹地球圖。均作阿登。在阿剌伯西南海濱。卽今英吉利所屬亞丁埠也。此埠本土耳其也。門省所轄。明時亦必與也。省等處合爲一國。故有此兵力。且回教創始於阿剌伯。馴成莫大之國。後雖漸衰。而武備文化。猶有遺風焉。

刺撒。自古里順風。二十晝夜可至。永樂時三貢。皆與阿丹不喇哇諸國偕。國傍海以居。氣候常熱。田瘠少收。俗醕。喪葬有禮。草

亦壘石爲屋有鹽池但投樹枝於中已而取起鹽卽凝其上俗
醢田不可耕葱蒜外無他種專捕魚爲糧

不喇哇東洋歷史圖列於木骨都東南攷官本圖其地有巴
拉瓦城巴拉瓦與不喇哇譯音正符別羅里蓋明時錫蘭西
面商埠惟南行當是西行之誤

竹步亦與木骨都東接壤永樂中嘗入貢其地戶口不繁風俗
頗醢亦無草木壘石以居歲多旱暵與木骨都東相同

竹步歷史圖列不喇哇南攷官圖巴拉瓦南境鄂莫河出海
處有周巴城周巴卽竹步轉音蓋番人語氣含混故譯述有
異也

阿丹在古里之西順風二十二晝夜可至永樂宣德間屢次入

然他方轉輸者多。價殊賤。民富裕。厚或遭禍致貧。其振助之人。多白晢豐偉。婦出以紗蔽面。市肆百物具備。惟嚴酒禁。壘石爲屋。有三四層者。境內有大山。四面異色。一紅鹽石。可爲器盛物。不必加鹽。一白土。一赤土。一黃土。皆適於用。

忽魯謨斯。元史西北地附錄作忽里模子。艾儒略萬國圖作亞爾模斯。亞拉伯志作和爾木斯。馬哥游記作和爾默斯。卽瀛寰志略之惡末嶼也。職方外紀言白爾西亞。卽波斯南有島。

曰忽魯謨斯。地悉是鹽及硫磺之屬。草木不生。氣候極熱。又無淡水。須從海外載至。因地居三洲之中。三洲者亞洲歐洲及阿非利洲也

三洲大賈多集於此。凡海內難致之物。往輒取之如寄。按忽魯謨斯本一小島。夙爲波斯南境商埠。至明時波斯業已分

外國傳五言
木不生久旱無雨與竹步諸國同

刺撒東洋歷史圖列於阿刺伯南海達拉毛部海濱殊屬無
據今攷地理全志阿刺伯國分六部一曰刺沙瀛寰全志作
哈薩地在阿刺伯東北土耳其屬巴索拉城東南濱臨波斯
海灣刺沙哈薩均刺撒轉音

麻林去中國絕遠永樂十三年兩貢方物

麻林在阿非利加洲東索馬拉部南界海濱中外地圖作美
林德此部居竹步之南又七八百里故云去中國絕遠

忽魯謨斯西洋大國也自古里西北行二十五日可至永樂十
年命鄭和往諸國其王隨卽奉貢其後貢使數至迨正統初始
絕國居西海之極諸商舶皆來貿易故寶物填溢土瘠粟麥少

南巫里在西南海中永樂六年與急蘭丹加異勒諸國來貢

南巫里卽上南淳利複出

加異勒西洋小國也永樂宣德間凡四貢

甘巴丹亦西洋小國永樂宣德間來貢其鄰境有阿撥把丹小

阿蘭三國

以上四部均無攷

急蘭丹永樂九年遣使朝貢

急蘭丹在暹羅西南馬來半島中宋卡大年處其北丁噶奴

彭亨居其南或作吉連丹或作吉蘭丹元史作急蘭亦解

沙里灣泥永樂十四年來獻方物

此部亦無攷

裂東北諸地悉入哈烈。惟西南尙有亦思弗罕。俺得干失刺思等國。忽魯謨斯地近失刺思。稱大國者。蓋合失刺思而言也。此島在波斯海灣曲處稍西。中外圖作法魯爾島。

溜山自錫蘭別羅里南去。順風七日可到。自蘇門答刺過小帽山西南行。十日可到。永樂十年。鄭和使其國。自後數貢。其山居海中有三石門。並可通舟。無城郭。倚山聚居。氣候常熱。土薄穀少。無麥。土人皆捕魚。暴乾充食。山下有八溜。舟入其處。卽沈溺。又有國曰比刺。曰孫刺。鄭和亦嘗往賜。而貢竟不至。

溜山卽民大威羣島。以山下多溜故名。在蘇門答刺西南。小帽山乃亞齊西北之島。比刺圖作坡拉。孫刺圖作色坡拉。皆相近島名。

二部均無攷

刺泥而外有數國曰夏刺比曰奇刺尼曰窟察泥曰捨刺齊曰彭加那曰八可意曰烏沙刺踢曰坎巴曰阿哇曰打回永樂中嘗朝貢風土物產無可稽

夏刺比卽阿拉比亞瀛寰志略作阿刺伯回教所稱天方國也在波斯西南彭加那卽邦加島在新嘉坡東南西近蘇門答刺坎巴在西印度境詳上古里傳阿哇卽阿瓦爲緬甸國舊都打回卽鄭和別傳之達歪山中外圖作達歪一作達阿依在緬甸東南今英屬地那悉林部海口餘均未詳

白葛達宣德元年來貢其國土地瘠薄崇釋教市用鐵錢又有黑葛達宣德時亦來貢

底里永樂十年遣使招諭其地與沼納樸兒近

底里近沼納樸兒必在印度中部今圖新的亞省南有的里城卽底里無疑其東正與紹普爾鄰接

千里達永樂十六年遣使貢方物

千里達卽佛郎機傳中干系臘黃可垂呂宋紀略作干絲納一作干絲臘乃西班牙國之別稱千里達者干系臘干絲納

干絲臘之轉音也

失刺比永樂十六年來朝貢

失刺比無攷似卽失刺思之異譯失刺思詳後西域傳

古里班卒永樂中嘗入貢土瘠穀少氣候不齊

刺泥永樂元年來貢

亞爲耶穌生處。卽古大秦。攷如德亞卽敘里亞之異譯。敘里亞與猶太。從古各自爲國。耶穌並不生此。況漫指爲大秦。誤之甚矣。然後來攷據家。仍多祖述其說。并臆斷耶路撒冷爲拂菻。可謂無知妄作。

意大里亞居大西洋中。自古不通中國。萬歷時國人利瑪竇至京師。爲萬國全圖。言天下有五大洲。一亞細亞。凡百餘國。中國居其一。二歐羅巴。凡七十餘國。意大里亞居其一。三利未亞。卽非利亦百餘國。四亞墨利加地。更大。以境土相連。分南北二部。最後得墨瓦臘泥洲爲第五。而域中大地盡矣。其說荒渺莫攷。然其國人充斥中土。則其地固有之。不可誣也。歐羅巴諸國悉奉天主耶穌教。萬歷九年利瑪竇始泛海抵廣州之香山澳。其

白葛達卽布哈爾攷布哈爾地球說略作博喀喇四裔年表作白葛拉皆與白葛達音合蓋哈字有平入二音也詳見後西域傳中黑葛達無攷

拂菻卽漢書大秦桓帝時通中國晉及魏皆曰大秦唐曰拂菻宋史仍之元末其國人捏古倫入市中國元亡不能歸太祖聞之以洪武四年召見命齋書還諭其王乃遣使入貢萬歷時大西洋人至京師言天主耶穌生於如德亞卽古大秦國

拂菻始見唐書蓋專指東羅馬言與漢魏以來之大秦不同中國人暗於外情混而稱之非也至耶穌所生曰猶太國一作巴勒斯登在今土耳其東部地中海濱漢時雖曾屬大秦未久卽失至唐已爲阿剌伯人所據

卽大食

天主教士以如德

其王安敦曾遣使獻方物。至元代使命尤數。有馬可波羅者。父子入中國。均歷顯仕。云自古不通中國可乎。天主教唐時已傳入。有景教流行中國碑可徵。惟五大洲說。實始於利瑪竇。蓋歐洲自可侖布發明地體渾圓之理。又尋得美洲新地。漸得實據。不久遂有環行地球者。此說之行。至萬歷間未及百年也。而當時華人猶多疑其荒渺。非拘墟之見乎。熱而瑪尼亞。卽日耳曼。依西把尼亞。卽西班牙。波而都瓦爾。艾儒略圖作波羅尼亞。南懷仁圖作波多理亞。均列於熱而瑪尼亞東。則爲波蘭國無疑。

韃靼卽蒙古。故元後也。太祖洪武元年。大將軍徐達率師取元。元主遁出塞。居開平。數遣將擾邊。明年常遇春擊敗之。師近開

教遂沾染中土。至二十九年入京師。帝嘉其遠來。假館授餐。給賜優厚。公卿以下重其人。咸與晉接。瑪竇安之。遂留居不去。三十八年卒。賜葬西郭外。其國善製礮。視西洋更巨。天啟崇禎間。東北用兵。數召澳中人入都。令將士學習。其人亦甚盡力。崇禎時。曆法益疏舛。尙書徐光啟請令其徒開局纂修。書成雖未頒行。其法視大統曆爲密。識者有取焉。其國人東來者。大都聰明特達之士。意專行教。不求利祿。其所著書多華人所未道。一時好異者咸尙之。時著聲中土者。更有龍華民畢方濟。艾如略。鄧玉函。諸人。華民方濟如略及熊三拔。皆意大里亞人。玉函熱而瑪尼人。龐迪我。依西把尼亞人。陽瑪諾波而都瓦爾人。

意大里亞卽古羅馬。漢魏以來所謂大秦者是也。漢桓帝時

諸巨魁以次平定。獨丞相納哈出擁眾二十萬據金山。二十年春命馮勝等征之。冒大雪襲慶州克之。夏勝至金山納哈出降。明年命藍玉北征。由大寧至慶州。聞敵在捕魚兒海。乘大風進破之。獲其宗王妃主及男女七萬餘。漠北平。二十三年命傅友德從燕王出古北口至迤都。元太尉乃兒不花降。敵自元主孫帖古思帖木兒後五傳至坤帖木兒咸被弑。不復知帝號。有鬼力赤者篡立稱可汗。去國號。遂稱韃靼云。永樂中鬼力赤與瓦剌相仇殺。後鬼力赤爲其臣阿魯台所殺。立本雅失里爲可汗。帝兩遣使諭使通好。不從。復殺使者。七年命邱福征之。時本雅失里居驢駒河。福輕敵敗沒。明年自將出塞。本雅失里懼而西奔。阿魯台東奔。遂各自爲部。帝追及本雅失里於斡難河。擊破。

平元主奔應昌其將王保保據定西三年春使徐達出西安擣定西李文忠馮勝出居庸擣應昌文忠至興和大破元兵於駱駝山遂趨應昌時元主已殂克其城獲元主孫及妃嬪大臣而徐達亦破王保保於沈兒峪王保保遂擁元太子居和林五年春命徐達李文忠馮勝三道征之達出雁門戰不利勝西次蘭州副將傅友德先往至埽林山殺敵將降士民八千餘遂由亦集乃路至瓜沙州連敗之文忠出居庸至口溫元將遁乃率輕騎自驢駒河進敗敵於土刺河追及阿魯渾河又追及稱海斬獲甚眾明年元兵犯諸邊均擊敗之七年藍玉拔興和李文忠克高州大寧斬兩宗王追獲其妃十三年沐英出靈州渡黃河歷賀蘭山踐流沙擒其酋於和林盡以部曲歸時王保保已卒

所事詳五刺傳。後也先攻殺脫脫不花，自立爲可汗，旋爲其下阿剌所殺。韃靼部長孛來破阿剌，求脫脫不花子麻兒可兒立之。號小王子，死，立馬古可兒吉思。自是韃靼復熾，然其部長益自專擅。小王子稀通中國，所傳世次多莫可攷。景泰成化時屢入寇，均禦卻之。及天順間，有阿羅出者，潛入河套居之。而孛來與小王子毛里孩等先後繼至，抄掠延綏無虛日。邊事以棘，自是諸部紛起，邊警無寧歲。至嘉靖十一年，時小王子最富強，稍厭兵，乃徙幕東方，稱土蠻，分諸部於西北甚眾。曰吉囊，曰俺荅。俺荅據河套爲諸部長，由是諸邊大擾。凡三十餘年，洎隆慶初，王崇古在西邊，李成梁在遼東，備禦頗固，入寇稍稀。會俺荅孫把漢那吉來降，督撫王崇古方逢時等制馭之，俺荅遂歸命，封

之班師至靜虜鎮遇阿魯台與戰阿魯台大敗越二年阿魯台內附封和寧王十四年阿魯台以戰敗瓦剌來獻俘自是遂驕蹇時刼掠二十年大入興和於是詔親征阿魯台懼棄輜重於濶樂海側而北遁因班師二十二年復親征次荅蘭納木兒河謀賊遠遁而還未幾仍來貢仁宗時歲脩職貢然數敗於瓦剌勢日蹙乃東走兀良哈駐牧遼塞宣德九年復爲脫脫不花所襲獨攜子徙居毋納山察罕腦刺等處未幾瓦剌酋脫歡襲殺之其後人竄居亦集乃路脫歡旣殺阿魯台欲自立爲可汗眾不可乃立脫脫不花陽推奉之實不承其號令脫歡死子也先嗣益桀驁自雄正統十四年秋大舉入寇帝親征之至土木陷焉明年景皇帝自監國卽位尊帝爲太上皇秋上皇歸自也先

事愈棘。朝議愈紛。明遂不可爲矣。韃靼地東至兀良哈。西至瓦剌。當永宣世。國家全盛。頗受戎索。然叛服不常。正統後。邊備廢弛。諸部遂出與中夏抗。邊境之禍。竟與明相終始云。

韃靼爲游牧人種之總稱。明史曰。元代後裔爲韃靼。不確。開平。元上都。首城在今獨石口北百二十里。應昌路。元宏吉剌部牧地。在阿巴哈納爾右旗達里泊旁。定西州名。明改安定縣。在鞏昌府北。興和卽金撫州。金幼孜北征錄出德勝口二十餘里。上野狐嶺。午後次興和。野狐嶺。今察漢陀羅海山。興和故城在其北。駱駝山在多倫廳西南。駱駝山卽特門兀朮山。特門駱駝也。兀朮頭也。蓋山形似駱駝頭。和林。元初舊都。在三音諾顏部境。別有雁門關。

在寧武府北。蘭州。今甘肅省會。埽林山未詳。亦集乃。今作額

順義王因開貢市。時俺荅老而佞佛。常遠處青山。二子曰賓兔。居松山。曰丙兔。居西海。俺荅諭之。漸馴。歲來貢市。西塞以盜。而東部土蠻於萬歷初數寇遼。均爲李成梁等擊敗。俺荅旣就市。事朝廷甚謹。十年俺荅死。子黃台吉襲爵。又三年死。子搥力克嗣。三娘子者。歷配三王主兵柄。爲中國守邊。眾畏服之。敕封順義夫人。自宣大至甘肅。不用兵者二十年。後漸蠢動。萬歷四十年。後有虎墩兔者。居插漢兒地。元裔也。與諸部時侵擾。時受撫。桀慢無定。崇禎六年。爲大清兵所襲。渡河遠遁。已而虎墩兔卒。乃追至上都城。盡俘其眾。迄明世邊陲無盜。致中原盜賊爭起。當事者狃於貢市。見插漢之恣。歲捐金數十萬。冀收其用。而卒不得。明未亡而插漢先斃。諸部皆折入。大清國計愈困。邊

永吉州西北經額爾金山。又赫爾蘇河西北流經額爾金山。蓋此山由伊通門亘懷德縣北迤西北至農安縣西南。今所稱富豐大黑等山皆是也。大寧故城在熱河平泉州北老哈河濱。明初別築新城在故城西南。今稱喀喇城。慶州遼置在克什克騰旗西北。今稱察罕城。捕魚兒海卽貝爾池。在外蒙古東境。古北口在直隸密雲縣北。迤都未詳。幹難河一作敖嫩河。爲黑龍江上源。在車臣汗北。靜虜鎮據金幼孜所紀北征行程。當在哈爾哈河南濱。濶樂海卽呼倫泊。苔蘭納木兒河。元祕史作苔蘭捏木兒格思。苔蘭曠野也。納木兒河卽今納墨爾根河。源出呼哈烏爾山西北流。爲喀爾喀河上流之一枝。在烏爾渾河北。母納山卽木勒推山。在科爾沁部右中

濟納在肅州北近居延海地瓜沙二州在嘉峪關外安西州

西南居庸關在直隸昌平西北口溫當作可溫河名今稱賀

魯渾河

一作烏爾會

在烏珠穆秦右旗境驢駒河卽克魯倫河在

車臣汗旗境土拉河在其西今庫倫城地稱海城名元史作

鎮海因元初田鎮海屯田其地故名在今科布多東南阿不

罕山北

見西游記攷

高州遼置元一統志落馬河下流至高州境

入塗河落馬河今日百爾格河在赤峯州西北高州故城當

在此河合老哈河處靈州在寧夏府南稍東賀蘭山在寧夏

西北金山有二納哈出所據乃遼東金山

一作額爾金山

攷明一統

志龍安一秃河在三萬衛西北金山東全遼志龍安城在一

秃河西金山東又蒙古游牧記科爾沁左中旗注東遼河自

漠南之西半吉囊者副王之義達延汗卒子卜赤嗣徙治漠

南東半以近長城故稱爲察漢兒今作察察漢兒者接近之

義也巴爾色子究弼里克嗣其父爲吉囊定居河套是爲鄂

爾多斯部之祖其弟俺荅據其北陰山附近是爲土默特之

祖究弼里克卒俺荅代統其眾嘉靖時小王子卽達延汗子

卜赤也土蠻乃圖門之訛蒙古語萬爲圖門取爲汗號者有

統轄萬眾之義吉囊當作濟農今鄂爾多斯部長尙襲濟農

封號明人不知此義誤爲酋名迫其酋卒其子又稱吉囊更

疑父子不應同名遂強改其字曰吉能可笑極矣青山當作

大青山在山西大同塞北俺荅居處卽今之歸化城松山在

蘭州府北西海卽青海

旗東北察罕腦勒察罕白也。腦勒池泊也。卽因沁察罕池在
右中旗東南。讀史兵略續編以母納山爲烏喇特旗西之木
納山。譯音雖符。情形不合。蓋阿魯台前旣遁。依兀良哈駐牧。
遼塞正游牧記所謂避居嫩江也。時爲他敵所襲。倉猝西走。
安得遠至河套北境。況彼處並無池泊乎。至下朵顏傳言被
逼徙於黃河。母納。母納上特加黃河字。自指烏喇特旗西之
木納山。與此不同地也。土木堡在宣化府懷來縣西。河套今
爲鄂爾多斯旗境。延綏卽陝西延安府及綏德州。麻兒可兒
稱小王子。此傳不詳所自。攷蒙古源流。成化六年有達延汗
者。爲脫古思帖木兒六世孫。有雄略。統一蒙古故地。遂封其
末子札賚爾於漠北。曰喀爾喀部。封二子巴爾色爲吉囊。統

九年遂襲殺之。正統初，又殺賢義安樂二王，并其眾，欲自稱可汗。眾不可，乃其立脫脫不花爲丞相，並襲破朵兒只伯，脅誘朵顏諸衛，窺伺塞下。四年，脫懽死，子也先嗣。時北部皆服屬也先。脫脫不花不能制也先，於是攻哈密，又結婚沙州諸衛，破兀良哈，脅朝鮮，邊將知其必大爲寇，屢疏聞止，戒敕防禦而已。十四年秋，遂大舉入寇，分攻遼東、宣府、甘州也先自寇大同。太監王振挾帝親征，前軍戰於陽和，盡覆。始旋師，次宣府，敵襲其後。諸軍迎戰，又敗。次日至土木，軍大潰。帝遂蒙塵。九月，郕王自監國卽帝位，尊帝爲太上皇也先挾帝犯京師，尙書于謙等與戰，數敗之也先夜走。都督楊洪復破之於居庸。景泰元年秋也先送上皇歸，嗣也先與脫脫不花相猜，治兵攻戰。脫脫不花敗，追

瓦剌蒙古部落也。在韃靼西。元亡其強臣猛可帖木兒據之。死
眾分爲三。其渠曰馬哈木。曰太平。曰把秃孛羅。成祖卽位。數使
招諭。永樂六年。馬哈木等朝貢請封。乃封馬哈木順寧王。太平
賢義王。把秃孛羅安樂王。自是歲一入貢。時元主本雅失里偕
其屬阿魯台居漠北。馬哈木以兵襲破之。八年。帝自將大破本
雅失里及阿魯台兵。馬哈木上言請爲滅寇計。十年。馬哈木遂
攻殺本雅失里。因漸驕慢。明年擁兵飲馬河。將入犯。帝詔親征。
十二年夏。駐蹕忽蘭忽失溫。三部埽境來戰。帝麾柳升等先嘗
之。親率鐵騎馳擊。大破之。追奔度兩高山。至土拉河。馬哈木遁
去。明年馬哈木貢馬謝罪。受之。未幾馬哈木死。子脫懽襲爵。宣
德元年。脫懽與阿魯台戰。破之。阿魯台遁。母納山察罕腦勒間。

遂南向與中國爭。此時勢力幾與元太祖初起時埒。所不足者。蒙古人心不忘故主也。先之上。尙有脫脫不花虛擁汗號。故一攻燕京不能入。氣卽大沮。其後雖自稱汗。而心驕志怠。終爲其下所殺。自是諸部相殘。洎成化間。蒙古達延汗出。統一蒙古舊壤。瓦剌被逐。不復再振矣。攷明代瓦剌本部當在烏魯木齊一帶。其於漠南北。不過用兵時暫駐而已。飲馬河乃驢駒河別稱。卽克魯倫河。忽蘭忽失溫據北征後錄。地在三峽口西。三峽口卽車臣汗旗西北特勒爾濟口。忽蘭失溫中俄交界圖作烏蘭達壁。達壁乃達坂之誤嶺也故再西卽至土拉河也。陽和今山西陽高縣地。黃河母納卽游牧記烏喇特旗西之木納山。因在黃河之北。故曰黃河母納。且以別於前傳之

殺之也。先自立爲可汗。遂徙朵顏所部於黃河。母納地。六年。阿剌知院攻也先。殺之。韃靼部長孛來復殺阿剌。自也先死。瓦剌遂衰。部眾分散。其代次不可攷。

瓦剌卽元史幹亦剌。又作外剌。語解改衛拉特。元祕史作幹亦刺忒。瓦剌者幹亦剌外剌。衛刺之轉音也。前清官書作額魯特。或作厄魯特。其先出於漢之堅昆。唐爲黠戛斯。元爲乞兒吉思。幹亦剌特乃乞兒吉思分族。初居謙河東北。貝克穆河地。後徙阿爾泰山間。服屬於蒙古。故亦稱蒙古部落。實與蒙古不同族也。

詳厄魯特源流攷

至明初。馬哈木襲殺本雅失里。始

據漠北。其子脫懽繼起。益強。攻殺阿魯台。乃有東方內蒙古地。迨及也先。服哈密。婚河州諸衛。破兀良哈。并有漠南諸地。

後乃陰附韃靼掠邊戍復假市馬來窺邊後復叛附阿魯台二十年帝親征阿魯台還擊之大敗其眾於屈烈河洪熙初詔三衛自新然後仍屢叛反覆不常九年命將出喜峯界嶺劉家口古北口分剿之別部亦乘勢夾攻三衛大困十二年瓦剌先後來襲朵顏泰寧皆乞降獨福餘走避腦溫江三衛益衰也先復逼徙朵顏部於黃河母納三衛不能堪皆陰輸瓦剌情於中國已又掠諸邊自是爲他部所逼則走匿塞下陽爲恭順不則引他部入寇紛紜無已時至崇禎時皆歸屬於大清云

兀良哈今稱烏梁海爲打牲部落人總名元祕史所謂林木中百姓卽此此種人有居阿爾泰山者有居唐努山者有居黑龍江南北者而居俄屬西伯利亞者尤多此兀良哈蓋居

母納山

朵顏、福餘、泰寧，高皇帝所置三衛也。地本隸兀良哈，在黑龍江南，漁陽塞北。漢鮮卑、唐吐谷渾、宋契丹皆其地也。元爲大寧路北境。高皇帝有天下，遼王及朵顏元帥府相率內附，遂卽古會州地，置大寧都司，營州諸衛封子權爲寧王，使鎮焉。已數爲韃靼所抄掠。洪武二十二年，置泰寧、朵顏、福餘三衛都指揮使，俾其頭目各領部眾以爲聲援。自大寧前抵喜峯口，近宣府曰朵顏，自錦義歷廣寧至遼河曰泰寧，自黃泥窪逾瀋陽鐵嶺至開原曰福餘。獨朵顏地險而強，久之皆叛去。成祖起兵靖難，患寧王躡其後，自永平攻大寧入之，厚賂三衛，擁寧王入關，復選其三千人從戰。天下既定，遂盡割大寧地畀三衛，自是朝貢不絕。

里河在科爾沁右前旗北境喜峯口在遷安縣西北界嶺口
在撫寧縣北劉家口在遷安縣東北古北口在密雲縣北腦
溫江卽嫩江

蕭山郁九齡
餘杭章箴同校

黑龍江南嫩江等處之一部。後遂蔓延東北邊外。漁陽塞卽今直隸北界。後漢鮮卑地在承德府東境。至吐谷渾者。乃東晉時前燕慕容廆庶兄所分部。地在青海境。與三衛全不相涉。且非唐時脩史者之荒陋如此。大寧見前。古會州卽唐歸義州。遼爲澤州。元改惠州。故城在今平泉州西南二十里。攷三衛地。明初尙在潢河以北。見方輿紀要嗣因大寧廢棄。遂逐漸南徙。然景泰元年三衛乞居大寧故城。猶未之許。但令近邊二百里外住牧。本傳所列皆明中葉後界址也。熱河志。朵顏衛在今灤平豐寧平泉建昌等地。泰寧衛在朝陽赤峯迤東。及土默特右翼喀爾喀左翼等地。福餘衛在奉天開原鐵嶺以北。及科爾沁左中旗等地。屈烈河卽貴勒爾河。一作歸喇。

明史西域傳地理攷證

仁和丁謙益甫氏學

哈密東去嘉峪關一千六百里。漢伊吾盧地。明帝置宜禾都尉領屯田。唐爲伊州。宋入於回紇。元末以威武王納忽里鎮之。尋改肅王。卒弟安克帖木兒嗣。洪武中太祖旣定畏兀兒地。置安定等衛。漸逼哈密。其王遂遣使朝貢。永樂間敕封忠順王。自是比歲來貢。初成祖之錫封也。以哈密爲西域要道。欲其迎護。朝使統領諸番。爲西陲屏蔽。而其王率庸懦。又種落雜居。一日回回。一日畏兀兒。一日哈刺灰。頭目不相統屬。王莫能制。眾心離渙。國勢遂衰。北瓦剌西土魯番東沙州罕東赤斤諸衛悉與搆怨。由是鄰敵交侵。瓦剌至取其母妻并脅往見。會瓦剌酋也先

奄克孛刺爲之長。十年阿黑麻送還陝巴。詔起王越爲總督。經略之。令陝巴歸哈密。量給脩城築室之費。犒諸部助之。自是哈密復安。十八年陝巴死。子拜牙卽嗣。正德八年叛投土魯番。誘使入寇。十一年遣彭澤經略。無功。會張璁桂萼借邊事興大獄。賊屢入寇。疆事日亟。七年牙蘭來降。時議置哈密不問。西陲藉以息肩。後其地爲米兒馬黑木所有。降於土魯番。雖仍入貢。不絕。然非忠順王苗裔矣。

哈密廳今屬新疆。城在巴里坤南。有回城。所駐親王仍蒙古成吉思後裔。別轄小城五。曰素門哈爾輝。曰阿思塔納。曰託克齊。曰拉卜楚克。曰喀喇都伯。傳中言八城。蓋已廢圯其二。攷伊州自唐以後卽爲州。將陳氏所據。至宋無改。宋史高昌

東犯不還故土以是少安。天順四年王卒無子其母主國事爲
迤北酋亂加思蘭襲破其城王母率部落走苦峪朝廷不能援
成化元年國人請以脫脫外孫把塔木兒嗣及卒子罕慎嗣而
不許其主國事國又亂土魯番速檀阿力乘機襲其城令妹婿
牙蘭守之而去。朝命李文經略無功十八年罕慎假他部兵襲
牙蘭連復八城。宏治元年封罕慎忠順王時阿力死子阿黑麻
嗣誘殺罕慎仍使牙蘭據守二年哈密指揮阿木郎請兵破走
牙蘭乃訪忠順王後陝巴立之仍舊封已而阿木郎引北山也
克力人掠土魯番牛馬阿黑麻怒起兵攻哈密執陝巴殺阿木
郎牙蘭復據守朝議置陝巴不問修苦峪城以處番眾八年巡
撫許進夜襲牙蘭走之撫其餘眾而還時哈密無主以罕慎弟

稷麥豆麻有桃李瓜棗胡盧之屬而葡萄最多小而甘無核名鎖子葡萄富有牛羊馬駝節候常和土人純樸語音類畏兀兒自永樂四年至正統十三年常朝貢後不復至柳城密邇火州土魯番自土魯番強二國並爲所滅

柳城卽漢書狐胡國王所治車師柳谷地也今爲土魯番東一百二十里魯克沁城元史西北地附錄作魯克塵西域聞見錄作魯古沁東經一川有鬼魅卽宋王延德使高昌記大患鬼魅磧今胡桐窩西所謂風戈壁地

火州又名哈刺在柳城西七十里土魯番東三十里卽漢書車師前王地隋爲高昌國唐滅高昌以其地爲西州宋時回鶻居之元名火州與安定曲先諸衛統號畏兀兒置達魯花赤監治

傳可徵。今謂宋入回紇，殊屬臆斷。畏兀兒，卽唐書回紇。回回者，乃西域入回教諸人之總稱。故回紇回回各自爲類。近人言元明二史回紇回回互舉並稱，非也。哈刺譯言黑灰，亦回字轉音。哈刺灰者，卽今新疆所稱之黑帽回。迤北酋指瓦刺別部部長苦峪城，在嘉峪關外玉門縣正西一百十里。速檀見後也。克力罕，東衛傳作野也克力，云居哈密東北僅二日程。

柳城一名魯陳，卽後漢柳中地，爲西域長史所治。唐置柳中縣，西去火州七十里，東去哈密千里，經一大川，道旁多骸骨，相傳有鬼魅，行旅早暮失侶多死。出大川，涉流沙，在火山下，有城屹然，廣二三里，卽柳城也。四面皆田園，流水環繞，樹木陰翳，土宜

土魯番在火州西百里去哈密千餘里嘉峪關二千六百里漢車師前王地隋高昌國唐滅高昌置西州及交河縣此則交河縣安樂城也宋復名高昌爲回鶻所據元設萬戶府永樂四年以綵幣賜之遂常朝貢初其地介于闐及別失八里諸大國勢甚微弱後火州柳城皆爲所併國日強酋始稱王天順五年來貢其酋阿力自稱速檀多所求索九年遂襲哈密執王母奪其金印分兵守之而去時大臣專務姑息致遐方小醜無所顧忌後雖兩次收復終不能守至正德八年哈密竟叛降土魯番且導以入犯會中朝大臣自相傾陷番酋覘知之益肆讒搆賊之腹心得侍天子國體大虧賊氣益盛以嘉靖四年犯肅州甘州失利而去又賊黨牙蘭來降勢乃漸衰朝廷亦置哈密不問河

之永樂四年命劉帖木兒齎綵幣賜其王子後遂屢朝貢至正統十三年後乃絕其地多山青紅如火故曰火州氣候熱五穀畜產與柳城同城方十餘里僧多於民東有荒城卽高昌國都漢戊己校尉所治西北連別失八里後爲土魯番所併

火州元史作和州又作合刺和州合刺火州哈喇霍州合刺者黑也言其暑熱酷烈人物皆作黑色故曰合刺火州之義亦取於此和州霍州皆其轉音西北地附錄作合刺火者今改合刺和卓回人於聖裔及宦裔皆尊稱曰和卓以和州音近而改蓋文飾之辭非其本義傳云土魯番東三十里而土魯番傳又云在火州西百里殊爲兩岐今按哈喇和卓西至土魯番廣安城實五十里

變

西番卽西羌種類甚多。自陝西歷四川雲南西徼外皆是。其散處河湟洮岷間者爲中國患尤劇。漢趙充國張奐段熲唐哥舒翰宋王韶之所經營皆此地也。元封駙馬章古爲寧濮郡王鎮西寧。於河州設吐番宣慰司。以洮岷黎雅諸州隸之。統治番眾。洪武二年太祖旣定陝西卽遣官招諭。遂漸歸附。四年正月設河州衛。又設千戶所八百戶所七。皆命番長爲之。又設靖南高昌等衛。並改西寧州爲衛。十二年設洮州衛。二十五年西寧僧建佛寺於碾白南川。賜額曰瞿曇寺。自是其徒爭建寺。永樂時諸衛番僧多授禪師國師等號。由是諸僧及土官輻輳京師。如西寧十三族。岷州十八族。洮州十八族。大者數千人。小者數百。

西稍得休息。自後迄萬歷朝。奉貢不絕。

土魯番。漢爲車師前部。及狐胡國地。戊己校尉駐此。因地有高昌壘。晉時遂立爲郡。元魏間爲蠕蠕所并。立闕伯周爲高昌王。高昌之立國始此。傳云。隋爲高昌國。失攷。唐置西州。唐書地理志註。自州西南有南平安昌二城。並無安樂城。安樂城當是安昌之誤。回鶻之居西州。始見於五代史。宋因之。元稱畏兀兒。畏兀卽回紇回鶻之轉音。元末分其地爲柳城火州。土魯番三萬戶府。自後酋長皆蒙古人。明初改爲衛。自柳城火州爲其所并。土魯番始強。然由明人委靡不振。致滋邊患。非果難制馭也。速檀卽元史算端。爲回教人爵名。猶言國王。本應作蘇爾灘。或作蘇坦。或作蘇但。或作蘇丹。皆譯語之

柔服。後寢通生番。爲內地患。太祖定關中。卽法漢武。朔河西四郡。隔絕羌胡。建重鎮於甘肅。北拒蒙古。南捍諸番。俾不相合。又多置土官。令之世守。彼勢旣分。又動於利。不敢爲惡。卽小動。可以偏師制之。自邊臣失防。北寇闌入。西陲遂多事。然究其所患。終在寇而不在番。故議者以太祖制馭爲善。

明時西番。卽今甘肅川滇邊外諸土司地。河指河州。湟爲西寧府。洮岷二州。均在鞏昌府西南。黎雅二州。唐置。今屬四川。黎州在雅州府西南。爲土司所轄。碾白。卽今碾伯縣。屬西寧府。南川。乃碾伯縣東南小河。非西寧西南之南川河也。青海番名庫庫淖爾。今和碩特等旗游牧於此。松山在涼州東南。秦王川北。河套在陝西北境。亦不刺山在甘州東北。蒙古一

人亦歲許一貢。優以宴賚。西番之勢益分。其力益弱。西陲之患亦益寡。其西四百里。有青海。又曰西海。水草豐美。番人環居之。正德四年。蒙古酋亦不剌阿爾禿廝襲而據之。自是甘肅西寧始有海寇之患。總督彭澤王瓊先後剿撫。洮岷獲寧。西寧仍苦寇患。會河套酋吉囊西掠。大破亦不剌營。於是西寧亦得休息。時俺荅猖獗。羨青海富饒。於正德三十八年襲據其地。已而引去。留子賓兔據松山。丙兔據青海。隆慶中。俺荅封王。二子亦斂戢。至俺荅卒。傳至其孫扯力克。勢輕。不能制諸酋。西寧所屬遂騷亂。後增設臨洮總兵官。以劉綎任之。屢破賊。時爲陝西患者。有三。一河套。一松山。一青海。迨崇禎末。李闖陷西寧。掠青海。諸酋多附之。而明室亦亡。番有生熟二種。生番獷悍難制。熟番頗

代請賜還從之。正統朝數入貢，後不知所終。

曲先衛東接安定，居帖兒谷，在肅州西南。古西戎、漢西羌、唐吐蕃、元設曲先、朮林元帥府。洪武時設衛。永樂四年，徙治藥王淮之地，自是屢貢。洪熙時，劫殺朝使命史昭等，討破之，始謝罪，令還故地。正德七年，亦不剌竄青海，曲先爲蹂躪，其衛遂亡。

撒里畏兀兒在甘州西南一千五百里，測其地望，蓋在大通河源迤西至阿木尼厄庫山一帶，卽安西敦煌南面，俗稱雪山。山古祁連山內地也。所設三衛，安定較東，曲先次之，阿端最西。安定當在大通河發源處之西北，直肅州玉門，曲先又稍西北，直敦煌。西域水道記言黨河南爲雪山，元之曲先衛也。地望甚合。阿端當在青海西北，阿真川卽朱書吐谷渾傳屈

部曾據此故名

安定衛距甘州西南一千五百里。漢爲婁羌。唐爲吐蕃地。元封宗室爲寧王鎮之。其地本名撒里畏兀兒。廣袤千里。東近罕東。北邇沙州。南接西番。居無城郭。以氈帳爲廬舍。產多駝馬牛羊。洪武七年來朝貢。太祖分其地爲阿端阿真苦先帖里四部。明年遣使請置安定阿端二衛。從之。嗣以亂廢。永樂四年徙駐苦兒丁之地。二十二年以劫命使詔李英討破之。宣德初詔諭復業。至正德時蒙古酋亦不剌阿爾禿廝據青海。安定遂殘破。部眾散亡。

阿端衛在撒里畏兀兒之地。洪武八年置。後廢。永樂四年請復置。衛從之。又偕曲先邀劫朝使。大軍出征。懼而遠竄。仍以曲先

兒今黑山湖台。回回墓。今惠回堡。駟馬城當在火燒溝地。今廢。衛東有山曰白山。元末白城當在山下。

沙州衛自赤斤蒙古西行二百里曰苦峪。自峪南折而西一百九十里曰瓜州。州西四百四十里始達沙州。漢西域敦煌郡境。玉門陽關並相距不遠。後魏始置沙州。唐因之。宋入西夏。元爲沙州路。永樂二年來歸。命置衛。後常朝貢。洪熙末爲哈密所侵。且懼瓦剌見逼。不能自立。其酋率二百餘人走塞下。命繕治苦峪城居之。正統九年。部眾乖爭。鎮將任禮遂收其全部居之。甘州凡二百餘戶。一千二百三十餘人。沙州遂空。先是太宗置哈密沙州赤斤罕東四衛於嘉峪關外。屏蔽西陲。至是沙州先廢。諸衛亦漸不能自立。肅州遂多事。

眞川傳言屈眞川有鹽池。攷青海南有柴集河水西流爲鹽池是也。餘如帖里谷苦兒丁藥王淮均山谷間小地名。今難詳攷。苦先卽曲先轉音。與坤城傳苦先不同地。

赤金蒙古衛出嘉峪關西行二十里曰大草灘。又三十里曰黑山兒。又七十里曰回回墓。又西四十里曰驢馬城。並設墩臺置瞭卒。城西八十里卽赤斤蒙古衛。漢敦煌郡地。晉屬晉昌郡。唐屬瓜州。元屬沙州路。洪武十三年都督濮英西討。次白城。獲蒙古平章。至赤斤。獲幽王。師還復爲所據。永樂間來歸。始設衛。後常朝貢。正德間爲番賊蹂躪。內徙肅州南山。嘉靖七年總督王瓊安撫諸部。時眾僅千餘人。

赤斤衛今赤金湖台西赤斤堡也。東距嘉峪關二百里。黑山

一年土魯番以兵脅降左衛不克自立相率徙肅州塞內其地竟爲土魯番所有

罕東衛地在赤斤南嘉峪關西南以地望準之當在昌馬河發源處惟衛城遺址廢圯已久今無可攷

哈梅里地近甘肅元諸王兀納矢里居之洪武間通款後以遏貢劫使命劉眞等討之由涼州西出乘夜直抵城下圍之兀納矢里遁城破斬幽王國公等嗣遣貢請罪納之

哈梅里傳中不詳疆界但云地近甘肅然觀劉眞往討由涼州西出則其部居當在祁連山北面今孛羅城地

烏斯藏在雲南西徼外去雲南麗江府千餘里四川馬湖府千五百餘里陝西西寧五千餘里其地多僧無城郭羣居大土臺

沙州故城在今敦煌縣西南黨河西濱苦峪番語稱達里圖
今由玉門縣西行稍北一百四十里至布隆吉隆城又西南
九十里至黑水橋再南二十里卽苦峪故城西域水道記安
西州西南八十里有故瓜州城唐以來所治

罕東衛在赤斤蒙古南嘉峪關西南漢敦煌郡地也洪武三十
年置衛後常朝貢然亦剽掠諸部諭之不聽正德間蒙古酋入
青海罕東遭蹂躪眾益衰後土魯番復陷哈密直犯肅州罕東
以殘破求內徙其城遂棄不守嘉靖時移於甘州罕東左衛者
在沙州故城憲宗時建初罕東人奄章與種類相仇殺率眾逃
居沙州境朝廷許其耕牧後部落日蕃會沙州全部內徙遂盡
有其地成化十五年請於沙州故城置罕東左衛從之正德十

番共從其教。卽大寶法王及闡化諸王亦皆俯首稱弟子。自是西方止知奉此僧。諸番王徒擁虛位。不復能施其號令矣。

烏斯藏卽西藏。一稱土伯特。一稱唐古忒。唐書吐蕃國也。唐

以前屬東女國。自吐蕃酋弄贊贊普頂佛誦經。建布達拉城。

部眾化之。遂致僧多於民。然著名之僧亦輩出焉。攷蒙古源

流。青吉斯汗征討土伯特。旣收服阿里三部。因致書於薩嘉

察克羅。乍幹阿難達。噶貝爾兩刺麻。薩嘉乍幹均佛寺名刺麻者僧也。遙申

敬禮。至元世祖封八思巴爲帝師。卽薩嘉廟僧察克羅之法

嗣。明因元制。隆重番僧。藉資鎮撫。然其時皆紅教刺麻也。至

永樂時有僧名宗喀巴者。始創黃教。有大弟子二。一曰達賴。

一曰班禪。皆轉世嗣法。至今不絕。鎮南堅錯卽第三輩達賴。

上不食肉娶妻無刑罰亦無兵革鮮疾病土臺外僧有食肉娶妻者元世祖尊八思巴爲大寶法王西天佛子大元帝師自是其徒嗣者咸稱帝師洪武初太祖懲唐世吐蕃之亂思制馭之惟因其俗尙用僧徒化導爲善乃遣使廣行招諭於是烏斯藏攝帝師喃加巴藏卜先遣使朝貢旋親入朝詔封佛寶國師後又封元帝師後人宏教大國師烏斯藏僧爲灌頂國師僧哈立麻者有道術稱爲尙師永樂初來朝廷見賜宴封佑國演教如來大寶法王西天大善自在佛領天下釋教其徒二人皆封國師自後常入貢至神宗朝不絕時有僧鎖南堅錯者能知已往未來事稱活佛順義王俺荅崇信之勸其通中國乃遣書張居正求通貢許之由是中國亦知有活佛此僧有異術能服人諸

外授西天佛子者二。灌頂大國師者九。灌頂國師者十有八人。其他禪師僧官不可悉數。其徒交錯於道。然至者猶卽遣還。及宣宗時則久留京師。英宗時少衰。成化初復好番僧。有二僧以祕密教得幸。並封法王。其詔授西天佛子大國師國師禪師者無數。孝宗踐阼。法王等皆驅還本土。武宗意惑近倖。引番僧入豹房。由是復盛。封大慶法王以下甚眾。世宗立。復汰番僧。後世宗好道教。黜浮屠。自是番僧鮮至。

大乘大慈二法王爲西藏游僧。無一定住持之所。故居地無可攷。

闡化王者。烏斯藏僧也。洪武五年。河州衛言烏斯藏怕木竹巴之地。有僧曰章陽沙加監藏。元時封灌頂國師。爲番人推服。今

刺麻索諾木嘉木磋鎖南爲索諾木合音堅錯爲嘉木磋合音據布達拉經簿第三輩達賴萬歷間曾封大國師此傳失載

大乘法王烏斯藏僧昆澤思巴也其徒亦稱之爲尙師永樂間聞昆澤思巴有道術命中官齎香幣徵之十一年二月入朝封大乘法王禮之亞於大寶初成祖封闡化等五王各有分地惟二法王以游僧不常厥居故貢期不在三年之列然終明世奉貢不絕

大慈法王名釋迦也失亦烏斯藏僧稱爲尙師者也永樂間封大國師宣德九年進大慈法王初太祖招徠番僧授國師大國師者不過四五人至成祖兼崇其教自闡化等五王及二法王

護教王名宗巴幹卽南哥巴藏卜館覺僧也永樂五年封

館覺鄂刻圖作關覺衛藏通志作官覺在四川打箭鑪廳邊
外上瞻對土司之西北

闡教王者必力工瓦僧也永樂十一年封

必力工瓦卽今札雅寺札雅一作乍雅一作乍幹一作乍了
必力工瓦當是札雅緩讀音在巴塘西九百七十五里攷衛
藏通志言乍了寺昔爲闡教正副呼土克圖掌管并轄察木
多康熙五十八年大兵進藏仍受封給印此闡教王卽札雅
寺僧之明徵又蒙古源流載青吉斯汗致書乍幹刺麻阿難
達噶爾貝遙申敬禮知其寺僧著名已久明初闡教王蓋卽
其嗣法之人

朵甘酋與管兀兒構兵。若遣此僧撫諭。朵甘必內附。帝如其言。仍封灌頂國師。永樂四年。進闡化王。命與闡教護教贊善三王。及必里朵甘隴荅諸衛族共置驛站。自是道路畢通。使臣往還數萬里。無虞寇盜矣。

怕木竹巴。今爲巴塘迤西竹巴籠地。其地有納穆囊大寺。怕木卽納穆轉音。以寺名地名。合言之。故曰怕木竹巴。令其僧撫諭二部。必所居與朵甘等近。管兀兒未詳。或卽畏兀兒之訛。朵甘見後。必里卽下必力工瓦隴荅俟攷。

贊善王者。靈藏僧也。其地在四川徼外。視烏斯藏爲近。永樂五年封。

靈藏地在四川徼外。當卽裏塘宣撫司所轄境。

力工瓦烏斯藏及野藍卜納皆有宣賜

尼八刺卽新唐書尼婆羅西書作尼泊爾今稱廓爾喀在後藏西南修史者不知所自陋矣康輶紀行載廓爾喀有九塔相傳自天竺飛來塔上諸國之花咸備所謂地湧塔國當卽指此按九塔在廓爾喀所都陽布城其國昔分三部一布顏汗一葉楞汗一庫庫木汗廓爾喀乃其屬國故曰鄰境野藍卜納未詳

朵甘在四川徼外南與烏斯藏鄰唐吐蕃地元置宣慰司招討司元帥府萬戶府分轄其眾洪武二年遣官招諭六年攝帝師來朝舉元故官六十人遂置指揮使司二曰朵甘曰烏斯藏宣慰司二元帥府一及萬戶千戶等卽以所舉者任之後常朝貢

輔教王者。思達藏僧也。其地視烏斯藏尤遠。永樂十一年封。思達藏當卽今喀達汎城。地在後藏西南極邊。故曰尤遠。西天阿難功德國。西方番國也。洪武七年。其王遣使朝貢。又有和林國師。亦遣使朝貢。後均不復至。

西天阿難功德國。當是五印度中之一部。今無此名。攷佛國記。毗舍離國有阿難半身塔。所謂阿難功德國。或卽指此。毗舍離在孟加拉屬摩蘇佛普爾城西南七十里。明初爲厄納特克國地。和林爲元初建都處。在漠北塔米爾河流域。

尼八剌國在諸藏之西。去中國絕遠。其王皆僧爲之。洪武十七年。命僧智光齎書幣往。并使其鄰境地湧塔國。其王遣使隨之入朝。永樂十六年又來貢。命中官鄧誠往報。所經罕東靈藏必

長河西魚通寧遠宣慰司在四川徼外地通烏斯藏唐爲吐蕃
元置碉門等六安撫隸吐蕃宣慰司洪武時打箭鑪長河西土
官遣使朝貢命置長河西安撫司嗣建昌酋月魯帖木兒叛長
河西陰附之太祖怒欲討先馳諭之其酋入貢謝罪爲置長河
西魚通寧遠宣慰司自是朝貢不絕初魚通及寧遠長河西本
各爲部至是始合爲一

此皆四川西南地長河西者鴉礮江以西地也上下魚通在
打箭鑪北寧遠卽今寧遠府

董卜韓胡宣慰司在四川威州之西其南與天全六番接

舊威州在四川茂州西南董卜韓胡在其西卽唐時維州地
攷西藏述記董卜韓胡宣慰司今土坪土司在雅州府西北

初太祖以西番地廣人獷悍欲分其勢而殺其力使不爲邊患又以其地皆食肉倚中國茶爲命故設茶課司於天全六番令以馬互布而入貢者又優以茶布諸番戀貢市之利且欲保世官不敢爲變迨成祖益封法王大國師西方佛子等俾轉相化導以故西陲宴然終明世無番寇之患

朵甘在打箭鑪北諸土司境故元地志言河源在其西其地隋以前屬女國唐初分蘇毗多彌二國後均并入吐蕃惟吐蕃本國卽烏斯藏今拉薩大招寺唐時碑記尙存證據明確乃修明史者僅知朵甘長河西魚通爲唐吐蕃地而於烏斯藏傳反不及吐蕃一字豈以唐吐蕃國卽在朵甘諸地乎攷古之疏如此

絕尋令人導安徧歷諸國數萬里以誇其國廣大至是帖木兒死其孫哈里嗣乃遣使送安等還自後迄萬歷中貢使不絕其國東西三千餘里地寬平土壤膏腴王所居城廣十餘里民居稠密諸番之貨皆聚於此號爲富饒東有沙鹿海牙達失于賽藍養夷西有渴石迭里迷諸部皆役屬焉

撒馬兒罕在布哈爾東雜拉敷山河南濱乃西域最古之城

攷希臘史馬基頓王亞歷山大旣滅波斯復進軍東北境越

奧薩斯河

卽阿母河古名

取索克地阿那之國都馬拉坎達城

一作馬耳

達索克地阿那當時大國或作蘇西阿那今錫爾河南阿母

河北諸地尙有此稱馬拉坎達西人攷卽撒馬兒罕中國史書則始於魏書之悉萬斤新唐書言康者一曰薩末韃亦曰

三站

撒馬兒罕。卽漢罽賓地。隋爲漕國。唐復名罽賓。皆通中國。元太祖蕩平西域。盡以諸王駙馬爲之君長。易前代之國名。以蒙古語。始有撒馬兒罕之稱。去嘉峪關九千六百里。元末爲之君者。駙馬帖木兒也。洪武中太祖欲通西域。屢遣使招諭。未有至者。二十年四月。帖木兒首遣使來朝。貢馬駝。元時回回徧天下。及是居甘肅者尙多。詔守臣悉遣之。於是歸撒馬兒罕者一千二百餘人。二十七年又貢馬上表。文極恭順。明年命給事中傅安報之。其貢馬一歲再至。以千計。成祖踐阼。遣使諭其國。永樂三年。傅安等尙未還。會聞帖木兒假道別失八里。率兵而東。命甘肅總兵宋晟儆備。五年六月。安等還。初安至其國。被留。朝貢亦

安被留十三載。強使徧歷諸國。俾不能歸。洩真情。用意顯然。乃謂誇其國之廣大。明人聞於外情如此。攷四裔年表。洪武廿八年。他木卽帖木兒伐俄羅斯克之。旋伐印度。建文元年回國。次年又伐西里亞及波斯。至永樂二年乃還。三年起兵伐中國。卒於澳得臘。孫馬罕默嗣其位。

沙鹿海牙。西去撒馬兒罕五百餘里。城居小岡上。西北臨河。河名火站。水勢衝激。架浮梁以渡。亦有小舟。南近山。人多依崖谷以居。園林廣茂。西有大沙洲。可二百里。無水。間有之。鹹不可飲。牛馬誤飲之輒死。地生臭草。高尺餘。葉如蓋。煮其葉成膏。卽阿魏。又有小草。高一二尺。叢生。秋深露凝。食之如蜜。煮爲糖。名達郎古賓。永樂間李達陳誠使其地。其酋卽遣使奉貢。

颯秣建元魏所謂悉萬斤也元史作尋思干又作薛迷思干西游記作邪迷思干西使記作樽思干要之悉萬斤薩末韃等皆撒馬罕之轉音修明史者不知攷證漫謂撒馬兒罕卽漢唐之罽賓魏隋之漕國且指爲蒙古語改易本名臆斷極矣況元代西域惟三大王國一太祖長子朮赤封於鹹海西北一次子察合台封於鹹海東南一憲宗弟旭烈兀封於波斯故地並無諸王駙馬盡爲君長之事至帖木兒乃察合台後王之壻亦稱駙馬而其得國則由力取非太祖所封惟其人極爲梟雄久欲甘心中國以雪亡元之恨其洪武廿七年貢表恭順備至且一歲間進馬千計正所謂言甘幣重者謀也蓋其時適遠征俄羅斯恐中國或議其後故出於此觀傳

赤者舌柘支柘折赭時察赤均塔什之轉音也。此城在錫爾河東喀特克穆河北。今爲俄屬錫爾達利耶省會。

賽藍在達失干東西去撒馬兒罕千餘里。有城郭周二三里。四面平曠。居人繁庶。五穀茂殖。亦饒果木。元太祖時薛塔刺海以礮立功。卽此地。陳誠李貴之使與諸國同。

賽藍元史西北附錄作賽蘭。長春西游記作塞藍。俄屬中亞游記作沙拉堪。中俄交界圖作沙喇普哈那。西書作賽而拉。洪氏西域補傳有地名賽而奴克。亦卽指此。在達失干之北。約二百中里。東北距阿里阿塔三百餘里。

養夷在賽藍東三百六十里。城居亂山間。東北有大溪西流入巨川。行百里多荒城。蓋其地處別失八里蒙古部落之間。數被

按此卽霍占城。攷波斯志。當亞歷山大王東征時。曾於錫爾河畔築一城。取沙伊拉斯名。名之沙伊拉斯。卽前波斯開國之王居魯士也。沙鹿海牙。乃沙伊拉斯譯音之異。火站亦霍占轉音。本錫爾河。因經霍占城北。遂以城名。名其河。城雖從古稱沙鹿海牙。而河名猶仍其舊。中亞游記。自霍占西至撒馬兒罕。共十一站。自首站後。卽一片沙漠。與傳正合。

達失干。西去撒馬兒罕七百餘里。城居平原。周二里。外多園林。饒果木。土宜五穀。民居稠密。餘與沙鹿海牙同。

達失干卽塔什干。塔什譯言石。干者城也。猶言石城。漢爲康居。小玉蘇籛地。晉時康居徙都蘇籛。改國名曰耆舌。新唐書言石國。或曰柘支。曰柘折。曰赭時。元史西北地附錄又作察

號鐵門關。設兵守之。元太祖至東印度鐵門關。遇一角獸。能人言。卽此地也。

渴石。漢時爲大月氏貴霜王地。隋唐爲史國地。西游記作碣石。中亞游記作卡什。西圖作加爾支。在布哈爾國東南。蒙古稱宮殿曰喀而什。渴石之稱。當由帖木兒居此。建有宮殿故名。鐵門關。西域語作達而班得。在渴石城東南吉薩爾大山中。元太祖見角端班師。本無稽之談。元史採之已謬。此更引爲證據。尤屬無識。攷鐵門關地在阿母河北。與東印度相距數千里。元太祖班師時。實在阿富汗北面大雪山中。邱真人西游記歷歷可徵。並不載見角端事。且其地旣非東印度。並與鐵門關無涉。卽此數言。岐誤疊出。其虛僞豈待辨耶。

侵掠以致人民散亡止戍卒數百人居孤城破廬頽垣蕭然榛莽永樂時陳誠使其地

養夷之名他書未見以居山間在賽藍東三百餘里核之當卽唐書西域傳所言咀邏私南十餘里之小城咀邏私本爲巨鎮卽今阿里阿塔城因元初燬於兵燹又經察合台後王篤哇所蹂躪故人民散亡戍卒棲止此小城也東北之大溪卽塔拉斯河惟西流入泊非大川耳

渴石在撒馬兒罕西南三百六十里城居大村周十餘里宮室壯麗其先撒馬兒罕酋長駙馬帖木兒居之城外皆水田東南近山多園林西行十餘里饒奇木又東原作西誤行三百里大山屹立中有石峽兩崖如斧劈行二三百里出硤口有石門色似鐵

布帛六畜亦饒。永樂十三年。陳誠自西域還。所經哈烈。撒馬兒罕。別失八里。俺都淮。八荅黑商。迭里迷。沙鹿海牙。賽藍。渴石。養夷。火州。柳城。土魯番。鹽澤。哈密。達失干。卜花兒。凡十七國。悉詳其山川人物風俗。爲使西域記以獻。以故中國得攷焉。宣德七年。命李達撫諭西域。卜花兒亦與焉。

卜花兒卽今布哈爾國。漢爲大夏。及大月氏所都。藍市城。魏爲忸密國。唐爲安國。新唐書安者一曰布豁。又曰捕喝。元史作不花刺。又作蒲華。四裔年表作白葛拉。西域聞見錄作布哈拉。地球說略作博哈喇。此亦古城。近時中亞諸部均爲俄併。惟此及基窪尙稱自主。二國之君亦仍成吉斯汗後裔。後坤城傳附錄之。卜哈刺卽此。

迭里迷在撒馬兒罕西南去哈烈二千餘里有新舊二城相去
十餘里其酋長居新城城內外居民僅數百家畜牧蕃息城在
阿木河東多魚河東地隸撒馬兒罕河西多蘆林產獅子陳誠
李達嘗使其地

迭里迷元史塔刺海傳作帖哩麻西北地附錄作忒耳迷元
史證補阿八哈傳作忒耳昧新唐書有咀蜜國卽此城在渴
石東南阿母河北濱爲西至波斯南至阿富汗要津俄游彙
編作喀耳噠中亞游記作其里富西圖作基里非均一音之
轉

卜花兒在撒馬兒罕西北七百餘里城居平川周十餘里戶萬
計市里繁華號爲富庶地卑下節序常溫宜五穀桑麻多絲縣

永樂後全部西徙其地遂爲瓦剌所有

厄魯特據伊犁烏魯木齊始此

別失

八里地在新疆迪化府阜康縣東以處博克達山陰故極寒

哈烈一名黑魯在撒馬兒罕西南三千里去嘉峪關萬二千餘里西域大國也元駙馬帖木兒旣君撒馬兒罕又遣子沙哈魯據哈烈洪永間屢使招諭以道遠不至永樂六年復遣傅安齎書幣往始來朝貢會其酋與撒馬兒罕不相能數構兵遣使諭解之因徧歷撒馬兒罕俺的干俺都淮土魯番火州柳城哈實哈兒諸國俱偕哈烈使臣貢方物十八年復偕于闐八荅黑商來貢其國在西域最强大王所居城方十餘里壘石爲屋平方如高臺不用梁柱瓦壁中敞虛空數十間牕牖門扉悉雕刻花文繪以金碧地鋪氍毹人席地坐稱其王曰鎖魯檀猶言君長

別失八里西域大國也南接于闐北連瓦剌西抵撒馬兒罕東抵火州東南距嘉峪關三千七百里或曰焉耆或曰龜茲元世祖時設宣慰司尋改爲元帥府後以諸王鎮之永樂二年後常入貢十六年貢使來言王爲其從弟所弑而自立徙其部落西去更國號曰亦力把里其國無城郭宮室隨水草畜牧人性獷悍君臣上下無體統地極寒深山窮谷六月亦飛雪

別失八里漢爲車師後部地唐爲庭州宋入高昌元初爲畏兀兒所轄後別立北庭都元帥府歐陽元高昌僂氏家傳云北庭州者今之別失八里也可徵修史者不知攷證漫引無稽之說指爲焉耆龜茲陋矣此地他書或作鼈思馬或作別石把皆別失八里之異譯亦力把里見後乞力麻兒傳此國

兒旣攻滅伊蘭汗國留沙哈魯守之未幾帖木兒卒其孫馬罕默嗣位沙哈魯遂據地自立互相攻戰所謂與撒馬兒罕不相能者此也伊蘭汗亡後西境諸地多爲土酋分佔如失刺思亦思弗罕等部皆是然哈烈得其大半故當時稱爲大國所載風俗率遵回教之制壘石爲屋平方如高臺與太西人屋制同其實非無梁柱以藏於甎甃中故不之見耳鎖魯檀卽哈密傳速檀亦蘇爾灘之異譯○攷哈烈國之起原尙在元初有射姆斯哀丁者爲郭耳王懿親元憲宗元年入朝和林封以海拉脫及大雪山南阿富汗諸地旭烈兀旣開藩波斯卽以爲屬國因其都於海拉脫故謂之海拉國哈烈者海拉之轉音也傳國一百餘年至明初帖木兒西征波斯并

也。男女皆以白布蒙首。上下相呼。皆以名相見。止稍屈身。初見。屈一足三跪。男女皆然。交易用銀錢三等。無刑法。殺人亦止罰錢。以姊妹爲妻妾。喪止百日。以布裹屍而葬。不祭祖宗鬼神。惟立拜天之禮。無干支朔望。每七日爲一轉。周而復始。歲以二月十月爲把齋月。不晝食。俗尙侈靡。用度無節。土沃饒。節候多暖。少雨。多育蠶。善爲紈綺。其旁近俺都淮。八荅黑商。並隸其國。

哈烈今稱黑拉特。爲阿富汗西北要地。亦西域最古之城。昔亞歷山大王旣破波斯。引兵東進。於途中築一城。名亞里安。西人攷之。卽黑拉特。漢爲安息地。唐爲大食地。元史作也里。元祕史作亦魯。西域史作海拉脫。瀛寰志作侯拉特。西圖作格勒特。沙哈魯四裔年表作削六加。爲帖木兒第四子。帖木

俗富饒。初爲哈烈酋沙哈魯所據。永樂六年。命李達等賜其酋。並及哈實哈兒葛忒郎諸部。諭以往來通商之意。皆奉命。自是東西萬里。行李無滯。

八荅黑商。元史西北地附錄作八達哈傷。聖武記瀛寰志略均作巴達克山。西圖作巴里得珊。此部在阿母河北。吉薩爾山東南麓。但傳中所言情形殊不相合。蓋撒馬兒罕旣在俺都淮東南。則八荅黑商當尤在其東南。而不得云東北。且城在山間。亦非地廣無險阻。蓋八荅黑商之名。西域無兩。必史文傳誤無疑。觀李達往賜其酋。並及哈實哈兒。則二國之隣接可知。今攷自八荅黑商東踰蔥嶺。卽喀什噶爾境。傳言初爲沙哈魯所據。必沙哈魯爲王子時曾守是地。迨其父破伊

西域傳
爲所滅詳見洪氏西域補傳

俺都淮在哈烈西北千三百里東南去撒馬兒罕亦如之城居大村周十餘里地平衍無險田土膏腴民物繁庶稱樂土永樂間數偕哈烈通貢後不復至

俺都淮在哈烈部西北千三百里當卽阿米尼亞北今俄屬阿而俺城地俄游彙編作額里輓但哈烈去撒馬兒罕三千里則俺都淮當相去四千餘里安得云亦如之乎若以地平無險田土膏腴城周十餘里觀之當爲今謀夫城地然在哈烈東北非西北也姑列之以俟論定

八荅黑商在俺都淮東北城周十餘里地廣無險阻山川明秀人物樸茂浮屠數區壯麗如王居西洋諸賈多販鬻其地故民

勢不能敵。退保嶺東于闐喀什噶爾等處。別自立國。所謂鄰國交侵者此也。白玉綠玉二河。均卽今玉隴喀什河。黑玉河則哈拉喀什河也。

失刺思地近撒馬兒罕。永樂十一年。偕哈烈等八國貢方物。宏治五年。哈密王陝巴與鄰境野乜克力結婚。失刺思酋念其貧。偕旁國亦不刺因。請賜財物助之成婚。朝廷義之。厚賜陝巴。并及二國。

失刺思本波斯西南地。今法爾斯省首城失羅子也。元史西北地附錄作設刺子。西使記作石羅子。西征紀程作什拉白。萬國輿圖作施拉士。四裔年表作色立齒。亦不刺因。卽經世大典圖八哈刺因。乃波斯海灣內一島。今名巴林島。其北岸

蘭汗國遂移駐哈烈而八荅黑商仍爲所屬非因其近於哈烈也葛忒郎似卽坤城傳所附之哈的蘭攷見下

于闐古國名自漢迄宋皆通中國隋唐間侵并戎盧扞彌渠勒

皮山其地益大

原作南誤

距蔥嶺二百餘里東北至嘉峪關六千

三百里大略蔥嶺以西

原作南誤

撒馬兒罕最大以東

原作北誤

于闐最

大元末時鄰國交侵人民遷居山谷僅萬計永樂中憚威來貢始獲休息行賈諸番復致富足桑麻禾黍宛然中土國東有白玉河西有綠玉河又西有黑玉河源皆出崑崙山土人視月光盛處採之多得美玉

于闐事詳諸史今新疆南路和闐直隸州地元時爲察合台封境明初帖木兒崛興蔥嶺以西地盡爲所據察合台後王

罕遣使朝貢。或云卽亦思弗罕。

亦思弗罕爲波斯舊都。在今都德黑蘭。

或作的希蘭。

西南西北地。

附錄作亦思法杭。西域補傳作伊斯法楞。四裔年表作衣司伯罕。又作愛司白罕。萬國輿圖作乙士伯罕。西圖作伊斯巴亨。亦思把罕卽亦思弗罕轉音。

火刺札國微弱。四圍皆山。水流曲折。城僅里許。悉土屋。酋所居亦卑陋。永樂十四年來朝貢。

火刺札山僻小城。未詳所在。

乞力麻兒。永樂中來貢。俗喜射獵。不事耕農。西南傍海。東北林莽深密。多猛獸毒蟲。有達巷。無市肆。交易用鐵錢。

乞力麻兒。卽別失八里傳亦力把里。修史者不知譯音無定。

西域傳列記
卽法爾斯境故曰旁國

俺的干西域小部

俺的干卽今波斯西南阿德罕城其東北近伊斯巴亨東南與法爾斯相接

哈實哈兒西域小部

哈實哈兒卽喀什噶爾爲新疆南路極邊要城西域水道記注喀什各色也噶爾磚屋也以多各色磚屋故名漢至唐均爲疏勒國新唐書疏勒王居迦師城迦師卽喀什轉音西北地附錄作可失哈耳元祕史作乞思哈耳異域錄作哈什哈兒此爲察合台後裔于闐王所分封故曰小部

亦思弗罕地近俺的干永樂十七年來貢宣德六年有亦思把

也。至林莽深密，多猛獸毒蟲，足徵徙居未久。地方未盡開闢耳。

白松虎兒，舊名速麻里兒，嘗有白虎出松林中，不傷人獸。國人稱爲神虎，因改國名。其地無大山，亦不生草木，物產甚薄。永樂中人貢。

此部無攷。

答兒密，服屬於撒馬兒罕，居海中地，不百里。人不滿千家，無城郭，皆居板屋，知耕植，有毛褐布縷，交易兼用銀錢。永樂中，入貢。撒馬兒罕相近者，惟有鹹海，其東北隅有薩爾察島，較大。薩爾察當卽答兒密轉音。

納失者罕，東去失刺思數日程，皆舟行。城東平原饒水草，宜畜

字疑別爲一國不敢述其西徙之事按續文獻通攷亦力把里不知古何國地居沙漠間有熱海周數百里俗呼亦息渴而與此傳所言西南傍海正合亦息渴而當作伊西庫爾庫爾者湖泊也今稱特穆爾圖泊乞力麻兒元西北地附錄作亦刺八里正與亦力把里音合明時此部故址久湮今俄人所建仙米烈程省城曰威而涅正當其地此城築於古爾班阿里瑪圖河濱故又稱阿里馬城阿里馬譯言果木以河旁多果木故名古爾班三也攷元時伊犁河境本有阿里馬城見長春真人西游記元史作阿力麻里蓋亦因城在阿里瑪圖河上故也此伊犁之阿二城同以阿里馬河得名元史恐里瑪圖河其相混特異其稱一曰阿力麻里一曰亦刺八里而其義一

然宣德後數來貢

黑婁卽唐書葛邏祿元史作哈刺魯又作匣刺魯元祕史作
合兒魯大典圖作柯耳魯西書稱喀耳魯克云其始祖烏古
斯汗與蒙古同出一源部落居地在喀押立烏古斯卽元史
地理志注之烏斯爲乞兒吉思人種所自出蒙古與黑婁皆
乞兒吉思分出之部故曰同源喀押立元憲宗紀作海押立
地在巴勒喀什泊東南伊犁正北六百餘里此部元初與畏
兀兒先後歸附嗣隸太宗封地宗王海都卽據此以叛其後
議和得保舊封明時有國者當仍元裔前清時爲東哈薩克
部後入於俄俄人於其遺址新築一城曰濶跋爾一作郭巴
爾西圖作濶帕爾三史國語解蒙古人稱黑爲哈喇龍爲婁

牧馬有數種高不過三尺俗重僧好鬪永樂中朝貢

納失者罕卽波斯西南德什斯丹地濱波斯海灣東與失羅子鄰近舟行者蓋西非得河有小舟可通也

敏眞城永樂中來貢其國地廣多高山日中爲市諸貨駢集貴中國磁漆器產異香駝馬

日落國永樂中來貢

上二國均無攷

米昔兒一名密思兒永樂中遣使朝貢

米昔兒卽西使記密昔兒元經世大典圖作迷思耳米昔密昔迷思蓋皆麥西轉音今埃及國也

黑婁近撒馬兒罕世爲婚姻其地山川草木禽獸皆黑男女亦

之東南端河南濱尚有阿速故城所謂倚山面海
海情形宛然惟距天方甚遠距撒馬兒罕更遠修史者不明
地理宜其舛也

沙哈魯在阿速西海島中永樂中來貢其地山川環抱饒畜產
人性樸直恥鬪好佛海產奇物

沙哈魯卽元史西北地附錄撒吉刺元祕史作撒連惕種在
俄國南境擣里達省地形突入黑海中有似島嶼今稱克雷
木半島東北正與阿速連接

天方古筠沖地一名天堂又曰默伽水道自忽魯謨斯四十日
始至自古里西南行三月始至其貢使多從陸道入嘉峪關宣
德五年鄭和使西洋遣人往諭卽隨使來朝貢迄萬歷中不絕
天方卽漢書條支今稱阿剌伯初本散部爲安息波斯所役

西域傳列記
哈喇婁者黑龍也。傳云山川人物皆黑。係出附會。前史均無此語。

討來思地小不百里。城近山。山下有赤水。望之如火。產牛羊馬駝。有布縷毛褐。土宜稼麥。宣德間入貢。

部地無攷。

阿速近天方撒馬兒罕。幅員甚廣。城倚山面川。川南流入海。有魚鹽之利。土宜耕牧。物產尤富。寒暄適宜。人無饑寒。鮮寇盜。雅稱樂土。永樂十七年貢方物。

阿速兩漢書作奄蔡。史記陳湯傳作闐蘇。正義奄蔡卽闐蘇也。按闐蘇者阿速之轉音。今俄國南部有小海。名阿速海。海之東南端河南濱。尙有阿速故城。所謂倚山面川。川南流入

天使也。國中有經三十本。凡三千六百餘段。其書旁行。兼篆草隸楷三體。西洋諸國皆用之。其教以事天爲主。而無像設。每日西向虔拜。每歲齋戒一月。隋開皇時始傳其教入中國。迄元世其人徧四方。皆守教不替。

默德那。今稱麥地拏。在麥加北六百里。本天方屬城。因其別自來貢。遂分別爲二國。誤也。其教傳入中國。當在唐肅代二宗朝。隋開皇時初創新教。安能遠至數萬里外。此必彼教中無學之人所妄傳。而明人遽信之耳。

坤城。西域回回種。宣德五年來朝貢。自成祖以武定天下。欲威制萬方。遣使四出招徠。由是西域諸國莫不稽顙恐後。今采故牘。嘗奉貢。通名天朝者。曰哈三。曰哈烈兒。曰沙的蠻。曰哈的蘭。

屬隋時有謨罕默特者創立新教以兵力兼併西域移都報達乃成大國唐書所謂大食是也至南宋末始爲蒙古宗王旭烈兀所滅然天方本土尙自爲國惟諸酋分立遂致微弱今阿剌伯腴壤如默伽默德那等處均已割隸土耳其所存者僅沙磧四部而已默伽卽麥加阿剌伯首城因教主謨罕默特生於其境故彼教認爲天堂天方卽天堂之意忽魯謨斯在默伽東南隔於大漠不便往來但舟行亦須繞南入印度洋再進紅海曲而西北行故有四十日程由古里往水道尤遠故約以三月程

默德那回回祖國也地近天方宣德時來貢相傳其初國王謨罕驀德生而神靈盡臣服西域諸國諸國尊爲別諳拔爾猶言

察罕傳作板勒紇西域史作巴而黑西圖作波爾克在阿母
河南濱俺力麻卽元史阿力麻里故址在今伊犁省城東北
阿里瑪圖河濱察力失未詳或卽波斯法爾斯省所屬薩爾
哈得城幹失卽阿富汗東境瓦悉里斯坦卜哈刺卽前卜花
兒怕刺元史西北地附錄作普刺耶律希亮傳作布拉耶律
楚材西游錄作不刺劉郁西使記作孛羅故城在塔爾巴哈
台西南博羅塔拉河上又今俾路芝所屬亦有布拉部未知
孰是你沙兀兒卽元太祖紀匿察兀兒曷思麥里傳作你沙
不兒大典圖作乃沙不耳在波斯東北馬什特西二百里西
圖作尼沙努爾一作尼沙普爾克失迷兒爲北印度名國唐
書作箇失蜜或曰迦溼彌邏元憲宗紀作怯失迷兒大典圖

曰掃蘭曰乜克力曰把力黑曰俺力麻曰脫忽麻曰察力失曰
幹失曰卜哈刺曰怕刺曰你沙兀兒曰克失迷兒曰帖必力思
曰火壇曰火古曰苦先曰牙昔曰牙兒干曰戎曰白曰兀倫曰
阿端曰邪思城曰捨黑曰擺音曰克乚計二十九部皆由哈密
入嘉峪關其不由哈密者更有乞兒麻米兒哈蘭可脫乚蠟燭
也的干刺竹亦不刺因格失迷乞兒吉思羽奴思哈辛等

坤城卽阿富汗東北昆都斯城所附四十國如哈三隋書鐵
勒傳作羯三卽今俄羅斯本國東境喀山斯科哈烈兒卽前
所哈烈國沙的蠻卽俾路芝所屬薩拉灣城哈的蘭在波斯西
今稱亞爾的蘭掃蘭卽前賽藍乜克力當是俾路芝西境美
克蘭部與哈密傳之乜克力同音把力黑元本紀作班勒紇

兒哈蘭故浩罕部所屬瑪爾哈朗城也可脫兒蠟燭均無攷也的干在波斯國都西南今作阿德罕刺竹卽上蠟燭亦不刺因見前失刺思傳格失迷卽上克失迷兒乞兒吉思源出漢之堅昆唐曰黠戛斯元曰乞兒吉思今哈薩克種類俄人稱爲乞兒噠子卽乞兒吉斯轉音羽奴思無攷哈辛在波斯西境圖作罕西

魯迷去中國絕遠嘉靖三年遣使貢獅子西牛後數來貢魯迷不見他書惟艾儒略湯若望地圖載之均作魯密攷圖在阿刺伯東南波斯灣海濱今爲俄曼部地

紹興沈銘訓同校
餘杭章箴

作乞失迷耳。西使記作乞失迷西。今稱克什米爾。帖必力思。卽俄屬高加索山南帖弗力斯省。火壇者火龍之誤。今稱霍占。火古亦火占之誤。卽前之沙鹿海牙地。苦先見元史耶律希亮傳。卽今新疆南路庫車城。牙昔卽阿蘇。轉音在庫車西。今稱阿克蘇。牙兒干。元史世宗紀作鴉兒看。曷思麥里傳作押兒牽。異域錄作伊爾欽。今葉爾羌城也。戎白兀倫。三地均未詳。阿端卽元史幹端。西游記作五端。元祕史蒙文作兀丹。今爲和闐直隸州。邪思無攷。捨黑卽沙哈。在阿剌伯哈拉達毛部中。擺音西北地。附錄作法。因洪侍郎攷。元時苦喝以斯單首城曰喀因。卽此。克卽卽土耳其。其所屬哈札爾城在阿剌伯東北。巴索拉西南波斯灣海濱。乞兒麻卽前乞力麻兒。米

吾國時前東南西諸國皆通分其地於諸國

皆通分其地於諸國又諸國皆通分其地於諸國

餘以本中國縣數歲制三年徵則實職乎西中

其地於諸國

其地於諸國又諸國皆通分其地於諸國

其地於諸國又諸國皆通分其地於諸國

其地於諸國又諸國皆通分其地於諸國

其地於諸國又諸國皆通分其地於諸國

其地於諸國又諸國皆通分其地於諸國

